


R E G V L A E
SOCIETATIS
I E S V.



R O M A E
In Collegio eiusdem Societatis.
M D LXXXII.
Cum facultate Superiorum.

AL. G. V. E. AL.

SOCIETATIS

1824

1824



A

B

ROMA


In officio...

M. B. L. X. L.

Handwritten signature or mark at the bottom left corner.

SVMMARIVM EARVM CONSTITVTIONVM,

quæ ad spirituales nostrorum institu-
tionem pertinent, & ab omnibus
obseruandæ sunt.



*Q*UAMVIS summa sapientia,
et bonitas Dei Creatoris nostri,
ac domini sit, quæ conseruatura
est, gubernatura, atque promo-
tura in suo sancto seruitio hanc
minimam Societatem Iesu, ut

eam dignata est inchoare: ex parte verò nostra in-
terna charitatis, & amoris illius lex, quam Sanctus
Spiritus scribere, & in cordibus imprimere solet, po-
tius quam ullæ externæ Constitutiones ad id adiutu-
ra sit: Quia tamen suavis dispositio diuinæ providen-
tiæ suarum creaturarum cooperationem exigit, &
quia Christi domini nostri Vicarius ita statuit, &
Sanctorum exempla, et ratio ipsa nos ita docet in do-
mino: necessariū esse arbitramur Constitutiones con-
scribi, quæ iuuet ad melius in via incepta diuini ob-
sequii procedendum, iuxta instituti nostri rationem.

2 Finis huius Societatis est, non solum saluti &
perfectioni propriarum animarum cum diuina gra-
tia vacare; sed cum eadem impense in salutem, &
perfectionem proximorum incumbere.

Constitu-
tionū ne-
cessitas.
In proc.
Conf. §. 1.

Finis &
ratio viuē
di Societa-
tis.
In Ex. c. 1.
§. 2.

Par. 3.c.1.
lit. G. &
Par. 6. c.
3. §. 5.
In Ex. c.1.
§. 6.

3 Nostræ vocationis est diuersa loca peragraré, & vitam agere in quauis mundi plaga, vbi maius Dei obsequium, & animarum auxilium speratur.

4 Ratio viuendi in exterioribus instas ob causas, maius Dei obsequium semper intuyendo, communis est; nec vllas ordinarias pœnitentias, vel corporis afflictiones ex obligatione subeundas habet; sed illas assumere quiuis poterit, quæ sibi videbuntur cum approbatione Superioris ad maiorem sui spiritus perfectum conuenire, & quas propter eundem finem Superiores eis poterunt imponere.

Sacramen-
torũ vsus
& examẽ
conscien-
tiæ.

In Ex. c.
4. §. 41.

* Par. 6.
c. 1. §. 2.

5 Ipso initio sui in Societatem ingressus, debet quisque generalem totius vitæ confessionem apud aliquem Sacerdotem à Superiore assignatum facere, & post eam sacratissimum Christi domini nostri corpus sumere; & sic sexto quoque mense eodem modo generaliter ab vltima inchoando confitebitur. * Et omnes tam Professi, quàm formati Coadiutores semel singulis annis parati esse debebunt ad confessionem generalem, quæ ab vltima generali inchoetur, ei quem Superior sibi substituerit, faciendam.

Par. 3.c.1.
§. 11.
* In Ex. c.
4. §. 25.
* Par. 3. c.
1. §. 11.

6 Utantur quotidie omnes conscientie suæ examinatione consueta: * Si Sacerdotes non fuerint, confiteantur oportet, & sanctissimum sacramentum Euchariistiæ sumant octauo quoque die: * & vnus omnium sit Confessarius à Superiore constitutus: quod si fieri non poterit, quisque certe suum stabilem habeat Confessarium, cui ipsius conscientia prorsus aperta sit.

Par. 3.c.1.
lit. Q. &
par. 6. c. 3.
§. 2.

7 Qui autem aliū, quam suo confessario designa-
to con-

so confiteretur, debet postmodum (quantum recordari poterit) eidem suo Confessario totam suam conscientiam aperire, ut nihil ignorando quod ad eam pertineat, melius in domino possit eundem iuuare.

8 Vnusquisque eorum, qui Societatem ingrediuntur, consilium illud Christi sequendo, Qui dimiserit patrem, & cæt. existimet sibi patrem, matrem, fratres, & sorores, & quidquid in mundo habebat, relinquendum; immo sibi dictum existimet verbum illud: Qui non odit patrem, & matrem, insuper & animam suam, non potest meus esse discipulus. Et ita curandum ei est, ut omnem carnis affectum erga sanguine iunctos exuat, ac illum in spiritualem conuertat, eosque diligat eo solum amore, quem ordinata charitas exigit, ut qui mūdo, ac proprio amori mortuus, Christo domino nostro soli viuat, eumque loco parentum, fratrum, & rerum omnium habet.

9 Ad maiorem in spiritu profectum, & precipue ad maiorem submissionem, & humilitatem propriam, contentus esse quisque debet, ut omnes errores, & defectus ipsius, & res quæcunque, quæ notatæ in eo, et obseruatæ fuerint, Superioribus per quæuis, qui extra confessionem eas acceperit, manifestentur.

10 Boni etiam omnes consulant ab alijs corrigi, & ad aliorum correctionem iuuare, ac manifestare sese inuicem sint parati debito cum amore, & charitate ad maiorem spiritus profectum: præsertim ubi à Superiore, qui illorum curam gerit, fuerit ita præscriptum, aut interrogatum ad maiorem Dei gloriā.

Exuendus inordinatus seculi affectus.

In Ex. c. 4. §. 7.

Vera sui abnegatio
In Ex. c. 4. §. 8.

In Ex. c. 4. §. 8.

In Ex. c.
4. §. 44.

11 Diligenter animaduertant oportet (magnifici-
ciendo summique momenti id esse ducendo in conspe-
ctu Creatoris, ac domini nostri) quātopere iuuat, ac
conferat ad vitæ spiritualis profectum omnino, &
non ex parte abhorrere ab omnibus, quæ mundus
amat, & amplectitur, & admittere, & concupiscere
totis viribus quidquid Christus dominus noster ama-
uit, & amplexus est. Quemadmodum enim munda-
ni homines, qui ea, quæ mundi sunt, sequuntur, dili-
gunt, & querunt magna cum diligentia, honores sci-
licet, famam, magni nominis existimationem in ter-
ra, sicut mundus eos edocet: sic qui procedunt in spi-
ritu, & serio Christum dominum nostrum sequuntur,
amant, & ardent exoptant, quæ iis omnino con-
traria sunt, indui nimirum eadem veste, ac insigni-
bus domini sui pro ipsius amore, ac reuerentia; adeo
ut si sine offensione vlla diuinæ maiestatis, & absque
proximi peccato foret, vellent contumelias, falsa te-
stimonia, & iniurias pati, ac stulti haberi & existi-
mari (nulla tamen ad id per eos data occasione) eo
quod exoptant assimilari, ac imitari aliquo modo
creatorem, ac dominum nostrum Iesum Christum,
eiusque vestibus, & insignibus indui: quandoquidem
illa ipse propter maiorem profectum nostrum spiri-
tuale induit, nobisque exemplum dedit, ut in omni-
bus, quoad eius fieri poterit, diuina gratia aspirante,
eum imitari, & sequi, cum vera sit via, quæ ducit ho-
mines ad vitam, velimus.

In Ex. c.
4. §. 45.

12 Ut melius ad hunc perfectionis gradum in spi-
rituali vita tam preciosum perueniatur, maius, ac
impen-

impensius Studium cuiusque sit quærere in domino maiorem sui abnegationem; & continuam in rebus omnibus, quoad poterit, mortificationem.

13 In exercendis officiis abiectis, & humilibus, In Ex. a.
promptius ea suscipi conuenit, a quibus sensus magis 4. §. 18.
abborrebit: siquidem iniunctum fuerit, ut in eis se exerceat.

14 Anteuertere oportet tentationes, adhibitis Par. 3. c.
earum contrariis; ut cum quis animaduertitur ad 1. §. 13.
superbiam esse propensus, exerceri is debet in rebus abiectionibus, quæ ad humiliandum ipsum utiles futuræ videantur: & sic de aliis prauis animæ propensionibus.

15 Omnes constanti animo incumbamus, ut nihil Perfectionis,
perfectionis, quod diuina gratia consequi possimus nis, solida
in absoluta omnium Constitutionum obseruatione, no- rumq; vir-
strique instituti peculiari ratione adimplenda, præ tutum stu-
termittamus. dium.

* 16 Omnes, qui se Societati addixerunt in virtutum Par. 6. c. 1.
solidarum, ac perfectarum, & spiritualium rerum §. 1.
Studium incumbant: ac in huiusmodi maius momen- * Par. 10.
tum, quam in doctrina, vel aliis donis naturalibus, §. 2.
& humanis constitutum esse ducant: Illa enim inte-
riora sunt, ex quibus efficaciam ad exteriora perma-
nere ad finem nobis propositum oportet.

17 Omnes rectam habere intentionem studeant Par. 3. c. 1.
non solum circa vitæ suæ statum, verum etiam circa §. 23.
res omnes particulares; id semper in eis sintere spe-
ctantes, ut seruiant, & placeant diuinæ bonitati pro-
pter seipsam, & propter charitatem, & eximia be-

inescicia quibus præuenit nos, potius quam ob timorē
pœnarum, vel spem præmiorum (quamuis hinc etiā
iuuari debeant) & in omnibus quærant Deum, exue-
tes se, quantum fieri potest, amore omnium creatu-
rarum, ut affectum vniuersum in ipsarum Creato-
rem conferant, eum in omnibus creaturis amando,
& omnes in eo, iuxta sanctissimam, ac diuinam ipsius
voluntatem.

Par. 3. c. 1. §. 21. 18 In concionibus domesticis de iis crebro tra-
stent, quæ ad sui abnegationem, & in virtutibus
profectum, & omnimodam perfectionem attinent;
ad ea se inuicem exhortando, & præcipue ad vni-
onem, & charitatem fraternam.

Par. 3. c. 1. §. 22. 19 Magnopere conferet, deuote, quoad fieri pote-
rit, ea munera obire, in quibus magis exercetur hu-
militas, & charitas. Et in vniuersum loquendo,
quanto aliquis se arctius Deo astrinxerit, & libera-
liorem erga summam maiestatem se præstiterit, tan-
to eum in se liberaliorem etiam experietur, & ipse
in dies magis idoneus erit ad gratias, & dona spiri-
tualia vberiora recipienda.

Pat. 5. c. 4. §. 5. & in Ex. c. 6. §. 5. & 6. 20 Postquā aliquis in corpus Societatis coopta-
tus fuerit in aliquo gradu, ad alium progredi curare
non debet: sed in suo perfici, & obsequio Dei, & glo-
riæ sese impendere.

Par. 3. c. 1. §. 20. & Par. 4. c. 4. §. 3. & 4. 21 Omnes suum tempus rebus spiritualibus impẽ-
dant, & deuotioni quærendæ pro mensura gratiæ
Dei ipsis communicatæ insistant.

* Par. 3. c. 1. §. 10. * 22 Ab illusionibus Dæmonis in suis spirituali-
bus exercitationibus caueant, & se contra omnes ten-
tationes

tationes tueantur: simul rationes sciant, quæ adhiberi possint, ut eas superent: & ad veras, solidasque virtutes consequendas insistant: siue plures adsint visitationes spirituales, siue pauciores: curent vero semper in via diuini seruitiū progressum facere.

23 Paupertas, ut murus religionis firmus, diligenda, & in sua puritate conseruanda est, quantum diuina gratia aspirante fieri poterit. Paupertas
Par. 6. c. 2.
§. 1.

24 Diligant omnes paupertatem, ut maiorem, & iuxta mensuram sanctæ discretionis suis temporibus eius effectus aliquos experiantur: * nullaque re tantum propria utantur: * paratique sint ad mendicandum ostiatim, quando uel obedientia, uel necessitas id exiget. Par. 3. c. 1.
§. 25.
* Ibidem
§. 7.
* Par. 6. c.
2. §. 10.

25 Victus, uestitus, & lecti ratio erit ut pauperibus accommodata: & unusquisque sibi persuaदेat, quod quæ uilissima erunt ex ijs, quæ domi sunt, ei tribuentur, propter ipsius maiorem abnegationem, & spiritualem profectum. In Ex. c.
4. §. 16.

26 Intelligant omnes, quod mutuo dare, uel accipere, uel dispensare quidquam de ijs, quæ domi sunt, minime possunt, nisi Superior conscius consensum præstiterit. Par. 3. c. 1.
§. 8.

27 Omnes, qui sub obedientia sunt Societatis, minerint se gratis dare debere quæ gratis acceperunt, nec postulando, nec admittendo stipendiū, uel elemosynas ullas, quibus Missæ, uel Confessiones, uel Prædicationes, uel quoduis aliud officiū ex ijs, quæ Societas iuxta nostrū institutū exercere potest, compensari uideatur: ut sic maiori cum libertate possit, & Par. 6. c. 1.
§. 7. & in
Ex. c. 1. §.
3.
proxi-

proximorū ædificatione in diuino seruitio procedere.

Castitas.
sensuum-
que custo-
dia.

Par. 6. c. 1.

§. I.

* Par. 3. c.

1. §. 4.

28 Quæ ad uotum castitatis pertinent, interpretatione non indigent, cum constet, quam sit perfecte obseruanda, nempe enitendo angelicam puritatem imitari & corporis, & mentis nostræ munditia.

* 29 Omnes diligentissime curent portas sensuum suorum (oculorum præcipue, aurium, & linguæ) ab omni inordinatione custodire, ac se in pace, & uera humilitate interna conseruare, & eam in silentio, cū id obseruandum est, cum autem loquendum in circumspeditione, & ædificatione uerborum, & modestia uultus, ac maturitate incessus, motuumque omnium, sine ullo impatientiæ, aut superbiæ signo exhibere: in omnibus procurando, atque optando potiores partes alijs deferre, omnes in animo suo tamquā sibi superiores ducendo; & exterius honorem, ac reuerentiam, quam exigit cuiusque status, cum simplicitate & moderatione religiosa exhibendo: atque ita fiat, ut se mutuo considerantes in deuotione crescāt, Deumque dominum nostrum laudent quem quisque in alio, ut in illius imagine, agnoscere studeat.

Par. 3. c. 1.

§. 5.

30 In refectione corporis curandum est, ut temperantia, modestia, & decencia interius, & exterius in omnibus obseruetur. Præmittatur benedictio, & sequatur actio gratiarum; quas omnes agere debet cum ea, qua par est, deuotione, & reuerentia. Et dū corpus edendo reficitur, sua etiam animæ resectio præbeatur.

Obedien-
tia. 3. c. 1.

§. 2. 3.

31 Expedit in primis ad profectum, & ualde necessarium est, ut omnes perfectæ obedientiæ se dedant;

dant ; Superiorem (quicumque ille sit) loco Christi domini nostri agnoscetes, & interna reuerentia, & amore eum prosequentes : nec solum in executione externa eorum, quæ iniungit integre, prompte, fortiter, & cum humilitate debita, sine excusationibus, & obmurmurationibus obediant, licet difficilia, & secundum sensualitatem repugnantia iubeat, uerum etiam contentur interius resignationem, & ueram abnegationem propriæ uoluntatis, & iudicij habere, uoluntatem, ac iudicium suum cum eo, quod Superior uult, & sentit, in omnibus rebus (ubi peccatum non cerneretur) omnino conformantes, proposita sibi uoluntate, ac iudicio Superioris pro regula suæ uoluntatis, & iudicij : quo exactius conformentur primæ, ac summæ regulæ omnis bonæ uoluntatis, & iudicij, quæ est æterna bonitas, & sapientia.

32 Liberâ sui ipsorum, rerumque suarum dispositionem omnes cum uera obedientia Superiori relinquunt, nihil ei clausum, ne conscientiam quidē propriam tenendo, non repugnando, non contradicendo, nec ulla ratione iudiciū proprium ipsius iudicio contrarium demonstrando : ut per unionem eiusdem sententiæ, & uoluntatis, atque per debitam submissionem melius in diuino obsequio conseruentur, & progrediantur.

Par. 4. c. 10
§. 5.

33 Omnes obedientiam plurimum obseruare, & in ea excellere studeant : nec solum in rebus obligatorijs, sed etiam in alijs : licet nihil aliud, quam signum uoluntatis Superioris sine ullo expresso præcepto uideretur. Versari autem debet ob oculos Deus creator,

Par. 6. c. 1.
§. 1.

tor, ac dominus noster, propter quem homini obediētia præstatur: & ut in spiritu amoris, et non cū perturbatione timoris procedatur, curandum est.

Par. 6. c. 1. §. 1. 34 Ad Superioris uocem perinde, ac si à Christo domino egrederetur, quam promptissimi simus, re quauis, atque adeo littera a nobis inchoata, nec dum perfecta relicta.

Par. 6. c. 1. §. 1. 35 Ad eum scopum uires omnes, ac intentionem in domino conuertamus, ut sancta obedientia tum in executione, tum in uoluntate, tum in intellectu, sit in nobis semper omni ex parte perfecta: cū magna celeritate, spiritali gaudio, et perseuerantia quidquid nobis iniunctum fuerit, obeundo: omnia iusta esse nobis persuadendo: omnem sententiam, ac iudicium nostrum contrariū cæca quadam obedientia abnegādo.

Par. 6. c. 1. §. 1. 36 Quisque sibi persuadeat, quod qui sub obediētia uiuunt, se ferri, ac regi a diuina prouidentia per Superiores suos, scire debent perinde, ac si cadauer essent, quod quoquo uersus ferri, & quacunque ratione tractari se sinit: uel similiter, atque senis baculus, qui, ubicunque, & quacunque in re uelit eo uiui, qui eum manu tenet, ei inseruit.

In Ex. c. 4 §. 33. 37 Adimplere quisque debet quasuis pœnitentias, quæ propter defectus, & negligentiam suam, uel quiduis aliud fuerint iniunctæ. * Pœnitentias uero huiusmodi prompta uoluntate admittere deberet cum uero emendationis, & spiritalis profectus desiderio, etiam si propter defectum non culpabilem iniungerentur.

In Ex. c. 4 §. 29. 38 Cum aliquis ad ministeria culinæ obeunda ingreditur,

greditur, uel ad eum iuuandum, qui coquus est, eidē obedire cum magna humilitate, in rebus omnibus ad ipsius officium pertinentibus debet. * Atque ualde * Par. 3. c. 1. §. 24.
necessarium est, ut omnes non solum Superiori Societatis, uel Domus, sed etiam subordinatis officialibus, qui ex illo auctoritatem acceperunt, obediant: & assuescant non intueri, quis ille sit, cui obediunt, sed potius quis ille, propter quem, et cui in omnibus obediunt, qui est Christus dominus.

39 Si aliquis ex ijs, qui domi sunt, cuiquam scriberet, non nisi obtenta facultate, & litteris ei ostensis, quem Superior destinauerit, id faciet. Si ad eundem literæ mitterentur, ei primo reddentur, qui à Superiore fuerit constitutus: qui eas lectas reddet, aut non reddet illi, ad quem sunt destinatæ, prout in domino expedire ad maius ipsius bonum, & Dei gloriam existimabit. Part. 3. c. i. lit. B. & in Ex. c. 4. §. 6.

40 Quicumque hanc Societatem in domino sequi uolet, & in eadem ad maiorem Dei gloriam manere sub sigillo confessionis, uel secreti, uel quacunque ratione ei placuerit, & ad maiorem ipsius consolationem fuerit, debet conscientiam suam magna cum humilitate, puritate, & charitate manifestare, re nulla, qua dominum uniuersorum offenderit, celata, & totius antea acta uitæ rationem integram, uel certe rerum maioris momenti Superiori, qui tum fuerit, Societatis, uel cui ex Præpositis, uel alijs ex inferioribus ille iniungeret, prout magis conuenire uideretur, reddat: & sexto quoque mense rationem hanc sui, ab ultima, quam reddiderit, incipiendo quiscunque Reddenda sui ratio. In ex c. 4. §. 36.

* Ibidem §. 40. & Par. 6. c. 1. §. 2. *que reddet. * Sic etiam uidetur, quod Coadiutores formati, & Professi singulis annis, uel crebrius, si Superiori uidebitur, suæ conscientiae rationem dicto modo ei reddant.*

Par. 3. c. 1. §. 12. 41 *Nullam debent celare tentationem, quā Praefecto rerum spiritualium, uel Confessario, uel Superiori non aperiant: immo uero totam animam suam illis integre manifestam esse pergratum habeant: nec solum defectus aperiant, sed etiam pœnitentias, uel mortificationes, & deuotiones, ac uirtutes omnes, uoluntate pura optantes ab illis dirigi, sicuti à rectitudine defletherent, nolentes suo proprio sensu duci, nisi conueniat cum iudicio illorum, quos Christi domini nostri loco habent.*

Vnio & conformitas mutua Par. 3. c. 1. §. 18. 42 *Idem sapiamus, idem, quoad eius fieri possit, dicamus omnes, iuxta, Apostolum. Doctrinae igitur differentes non admittantur, nec uerbo in concionibus, uel lectionibus publicis, nec scriptis libris (qui quidem edi non poterunt in lucem sine approbatione, atque consensu Praepositi Generalis.) Immo & iudiciorum de rebus agendis diuersitas, quæ mater esse solet discordiae, & inimica unionis uoluntatum, quantum fieri potest, euitari debet. Vnio uero, et conformitas mutua diligentissime curanda est, nec, quæ ei aduersantur, permittenda: quo iuncti inuicem fraternæ charitatis uinculo, melius, & efficacius possint se diuino obsequio, & auxilio proximorum impedere.*

Par. 10 §. 11. 43 *In Societate nec sit, nec sentiatur animorum propensio ad partem alterutram factionis, quæ esset fortassis inter Principes, uel Dominos Christianos; sed*

sed sit potius quidam uniuersalis amor, qui partes omnes (licet sibi inuicem contrariæ sint) in Domino nostro amplectatur.

44 Omnes quamdiu corpore bene ualent, in spiritualibus, uel exterioribus rebus habeant, in quo occupentur, ne otium malorum omnium origo, quo ad eius fieri possit, domi nostræ locum habeat.

45 Vt plenius possit Societas rebus Spiritualibus iuxta suum institutū uacare, quoad eius fieri poterit, a negotiis secularibus abstineat; (qualia sunt testamentariorum, uel executorum, uel procuratorum rerum ciuiliū, aut id genus officia) nec ea ullis precibus adducti obeunda suscipiant, uel in illis se occupari sinant.

46 Vt nimia sollicitudo in ijs, quæ ad corpus pertinent, reprehensibilis est: ita cura moderata tuendæ ad diuinum obsequium ualitudinis, ac uirium corporis laude digna, & ab omnibus adhibenda est: & ea de causa cum animaduertent aliquid sibi nocere, uel aliquid aliud necessarium esse circa uictum, uel stitum, habitationem, officium, aut exercitationem, & sic de alijs rebus, admoneant omnes ea de re Superiorem, uel quem ad id Superior constituerit, duo interim obseruantes: Primum, ut antequam ad eum quid referant, se ad orandum recipiant, & post orationem si senserint rem deferendam ad Superiorem, id faciant: Alterum, ut cum uerbo, aut scripto breui (ne excidat memoria) Superiori rem exposuerint, ei totam curam rei expositæ relinquunt: & quidquid ille statuerit, optimum ducant: nec contendere, aut

urgere

Otium & secularia negotia vitanda.

Par. 3. c. 1.

§. 6.

* Par. 6. c.

3. §. 7.

Ratio habenda ualitudinis.

Par. 3. c. 2.

§. 1.

urgere per se, uel alium (siue concedatur quod peti-
tur, siue non) pergant, quādoquidem sibi persuadere
debēt, id magis expedire ad diuinum obsequium, ac
suum maius bonum, quod Superiori, re intellecta,
in domino uisum fuerit.

Par. 3. c. 47 Vt non expedit tanto labore corporali quem-
3. §. 4. quam onerari, ut spiritus obruatur, & corpus detri-
mentum patiatur, ita aliqua corporalis exercitatio,
quæ utrūque iuuat, omnibus communiter conuenit,
etiam illis, qui mentalibus exercitijs debēt insistere:
quæ quidem externis interrumpi deberent, & non
continuari, nec sine mensura discretionis assumi.

Par. 3. c. 2. 48 Corporis castigatio immoderata esse non de-
§. 5. bet, nec indiscreta in uigilijs, & abstinentijs, & alijs
pœnitentijs externis, ac laboribus, quæ & nocumen-
tum afferre, & maiora bona impedire solent. Ideo
suo Confessario detegi ab unoquoque conuenit, quid-
quid in hac parte faciat.

In Ex. c. 4 49 Aegritudinis tempore non solum obseruare
§. 3. unusquisque obedientiam magna cum puritate de-
bet erga Superiores spirituales, ut ipsius animam
regāt: sed cum eadem humilitate erga medicos cor-
porales, & Infirmarios, ut corpus eius regant.


In Ex. c. 4. 50 Qui ægrotat, humilitatem, et patien-
§. 3. tiam suam
præseferendo, non minorem ædificationem, dū mor-
bo laborat, ijs, qui ipsum inuisent, & cum eo uer-
sabuntur & agent, quam dum ualebat corpore, ad

* Par. 3. c. maiorem Dei gloriam præstare curet, * uerbis pijs,
I. §. 17. & ad ædificationem facientibus utendo, quæ osten-
dant aegritudinē acceptari, ut donum de manu Crea-
toris,

toris, ac domini nostri; quandoquidem non minus do-
num est, quam sanitas.

51 Aliquoties singulis annis omnes à Superiore
sibi pœnitentias iniungi propter defectum observa-
tionis Regularum petant. ut hæc cura iudiciũ sit illi-
us, quam de suo profectu spirituali in via Dei quis-
que habet.

52 Omnes demum observationi Constitutionum
studeant: ad quam easdem scire saltem, quæ
ad quemlibet pertinent, necesse est,
quare legere, vel audire eas-
dem singulis mensibus
oportebit.



Constitu-
tiones, ac
regule
observan-
de.

Par. 3. c.

1. §. 28.

Par. 10. §.

13.

REGVLAE COMMVNES.

Que quis-
que erga
se seruare
debeat.

Par. 4. c. 4.
§. 3. & 4.

1 Singuli præfinitum sibi tempus suæ consci-
entia bis quotidie examinandæ, orationi, me-
ditationi, lectioni; impendant cum omni diligentia
in Domino.

Par. 4. c. 4.
§. 3. & 4.

2 Omnes quotidie sacro deceter intersint: & con-
cionem, lectionem ve sacram, cum in templo nostro
habebitur, audiant.

Par. 3. c. 1.
§. 11. &

3 Singuli statuto die, & assignato sibi Confessario
confiteantur, & non alteri sine Superioris facultate.

Par. 6. c. 3.
§. 2. & in

4 Omnes (qui Professi, aut formati Coadiutores
non sunt) bis in anno sua vota renouabunt, præmis-

Bul. 3.
Pauli 1. 11.

sa confessione generali; quo tempore rationem suæ

* Par. 4. c.
4. §. 5. &

conscientiæ reddent, & quoties etiam Superiori vi-
sum fuerit, iuxta morem Societatis.

c. 10. §. 5. &
Par. 5. c. 4

5 In abstinentia sextæ feriæ Societatis consuetudo
seruetur.

§. 6. & Ex.
c. 4. §. 38.

6 Nullus mortificationem publice faciat, nec con-
cionetur, nisi Superiore approbante.

& 41.
In Ex. c. 4.

7 Nemo pecuniam apud se habeat; apud alium
vero, nec pecuniam, nec quicquam aliud.

§. 4.
* Par. 4. c.

8 Libros nemo habeat sine facultate: * in ijs vero

§. lit. G.

quibus uti licet, nec scribat quicquam, nec notam
vllam imprimat.

9 Nemo rem vllam ex domo, vel ex alterius cu-
biculo sibi vsurpet, aut ab externo, quouis modo si-
bi, aut alij accipiat, sine Superioris licentia.

10 Ad maiorem vnionem eorum, qui in Societate
viuant, maiusq; auxilium eorum, apud quos habi-
tant,

tant, singuli addiscant eius regionis linguam, in qua resident, nisi forte ipsorum nativa illic esset utilior: * * Par. 4. a
 salva tamē Latini sermonis lege in ijs, qui litteris 6. §. 13.
 dant operam.

11 Nullus ita cubiculum suum claudat, quin aperiri extrinsecus possit; aut arcam, seu quicquā aliud habeat obseratum absque Superioris facultate.

12 Aperia fenestra nemo noctu dormiat, * neo sine indusio, aut non coopertus. * Par. 3. c.
2. lit. E.

13 Nemo cubiculo egrediatur, nisi decenter vestitus.

14 Nemo eorum, qui ad domestica ministeria admittuntur, aut legere discat, aut scribere; aut si aliquid scit, plus litterarum addiscat: nec quisquam eum doceat, sine Præpositi Generalis facultate: sed satis ei erit sancta cum simplicitate, & humilitate Christo Domino nostro servire. In Ex. c.
6. §. 6.

15 Signo campanæ constitutis horis audito, omnes statim, vel imperfecta littera relicta, ad id, ad quod vocantur, se conferant. Par. 4. c.
10. §. 9.

16 Ut consulatur valetudini, nemo extra consuetam tempora bibat, nec extra domum cibum sumat absque facultate Superioris.

17 Qui male se habere præter solitum senserit, id Infirmario, vel Præfecto sanitatis, aut Superiori referat. nemo vero medicinam ullam accipiat, aut medicum eligat, vel consulat, nisi approbante Superiore. Par. 3. c. a.
§ 6.

18 Singuli, etiam si Sacerdotes sint, cum primum surgunt, lectum operiant, eumque, & reliqua com-

ponant: hora consueta, & scopis cubiculum verrant tertio saltem quoque die, exceptis ijs, qui ob occupationes maioris momenti, aut valetudinis causa, iudicio Superioris subleuandi sunt.

19. Mundities, quæ & ad valetudinem, & ad edificationem confert, omnibus curæ sit, tam circa se ipsos, quam circa alia omnia.

Scruidi
erga Supe
riores.

20. Qui grauem tentationem alicuius nouerit, Superiorem admoneat, ut ei ipse, pro paterna in suos cura, ac prouidentia, conuenienti remedio possit occurrere.

21. Quæ à Superioribus circa administrationem agenda sunt, nemo curiose ab alijs exquirat, aut coniecturam faciendo de ijs sermonem misceat; sed unusquisque sibi, ac muneris suo attendens, quicquid de se, atque alijs constituendum erit, tamquam de manu Dei expectet.

22. Omnes caput aperiât suis Superioribus, et Sacerdotibus ijs, qui Sacerdotes non sunt: discipuli etiâ suis præceptoribus. Unusquisque autem Superiores alloquatur magna cum reuerentia: is vero, quem Superior alloquitur, aut reprehendit, humiliter, & sine interpellatione audiat.

23. Si cui à Superiore denegatum aliquid fuerit, alium Superiorem ne adeat super ea re, quin ei aperiat, quid sibi ab alio fuerit responsum, & quas ob causas negatum.

24. Cui fuerit alicuius rei cura commissæ, si impedimentum aliquod interuenerit, mature admoneat aliquem ex Superioribus, ut prouideat.

25. Nemo

25 Nemo cum ex uno loco in alium proficiscitur, quicquam secum asportet sine facultate Superioris.

26 Extra tempora recreationi assignata, hac ratione silentium seruandum est, ut nemo loquatur, nisi obiter & perpauca, aut de rebus necessarijs, praesertim in Ecclesia, Sacristia, & Refectorio: in Missa vero, concione, mensa, lectionibus, & disputationibus si quid priuatim dicere necesse erit, breuissime, & submissa voce suggeratur.

27 Nemo praeter eos, qui à Superiore deputati fuerint, loquatur cum ijs, qui in prima probatione versantur: excipiuntur tamen vsitatae salutationes, quas cum alijs alijs obuij fiunt, charitas religiosa exigit.

28 Omnes demissa voce, ut religiosos decet, loquantur: nullusque cum alio contendat; sed si qua in re nobis est diuersa sententia, eaque videtur manifestanda, rationes modeste, & cum charitate afferantur, eo animo, ut suus veritati sit locus, non ut in ea re Superiores videantur.

29 Qui facultate accepta aegrotos intusent, non solum demissa voce loquantur, sed tanta etiam moderatione, ut illis molesti non sint, atque de ijs agant, quae & exhilarare, & consolari aegrotos, circumstantesque edificare in Domino possint.

30 Caueant sibi omnes ab illo affectu, quo aliae de alijs nationibus sinistre sentire, aut loqui solent, quin potius & bene sentiant, & peculiari affectu diuersas à sua nationes prosequatur in Domino: ac proinde nemo bella, contentione sue inter Christianos principes in colloquium inducat.

Seruanda
erga do-
mesticos.

Par. 1. c. 4.
§. 4. & lit.
A.

Par. 10. §.
11.

31 Nemo præter eos, quibus per Superiorem licet, quicquam alijs iubeat, aliosve reprehendat.

Par. 4. c.

10. §. 6.

20. §. 10.

32 In alterius officium nemo se ingerat: in locum vero alieno ministerio deputatum nullus ingrediat, sine facultate Superioris, aut præfecti illius loci, in rebus necessarijs.

Par. 3. c. 1.

lit. D.

33 Nemo in alienum cubiculum ingrediat, sine generali, aut speciali Superioris facultate: quod si aliquis intus sit, non prius aperiat ostium, quàm post pulsum audiat, ingredi; & tamdiu aperta sit ianua, quamdiu intus una fuerint.

34 Ut ea, quæ religiosos decet, grauitas, & modestia retineatur, nemo alium etiam ioco tãgat, præterquam in signum charitatis amplexando, cùm quis aut abit, aut redit peregre.

35 Nemo dum mensæ accumbit, cuiquam ex nostris, præterquam ei Superiori, qui præest toti Domui, aut Collegio, caput aperiat. Et cum aliquid in mensa cuiquã deest, is, qui illi assidet, admoneat eũ, qui ministrat.

Seruanda

erga extra

neos & cũ

foras eun

dum est.

2. 01. 1. 7

36 Domi nemo loquatur cum externis, aut alios ad id vocet sine facultate generali, aut particulari Superioris.

37 Nemo cuiusquam externi ad domesticum, aut domestici ad externum mandata deferat, aut litteras, in scio Superiore: seculares autem rumores, qui foris audiuntur, ne temere, et sine fructu narrentur.

38 Nemo quæ domi acta, vel agenda sunt, externis referat; nisi Superiori id probari intelligat. Constitutiones vero, aliosve huiusmodi libros, aut scripta,

pta, quibus Societatis institutum, vel priuilegia continentur, non nisi ex Superioris expresso consensu ijs communicet.

39 Nemo scriptas dabit, aut mittet cuiquam externo, vel domestico instructiones spirituales, aut meditationes, nec exercitia spiritualia Societatis alicui communicabit, nisi à Superiore id approbetur.

40 Nemo ab externis consilium petat sine facultate Superioris.

41 Nemo cuiusquam negotij, etiam pij, sine facultate Superioris curam suscipiat, nec ad id operam suam promittat, aut se propensum ostendat. secularia vero negotia, vt que sunt a nostro instituto aliena, & vehementer a spiritualibus auocant, multo magis auersari conuenit.

42 Omnes, pro ratione sui gradus, data commoda occasione, enitantur pijs colloquijs proximum ad meliora promouere; & consilio, ac exhortatione ad bona opera, præsertim ad confessionem excitare.

43 Nullus domo egrediatur, nisi quando, & cum quo socio Superiori visum fuerit.

44 Cum quis facultatem à Superiore petit aliquo eundi, simul etiam aperiat, quò, & cuius rei causa ire velit, præsertim si prælatus, aut alius vir primarius conueniendus sit; eademque die referat eadem, quid egerit, sicut ipsum velle intelliget, & res postulauerit.

45 Ingressuri, egressuriue domo, tintinnabulum nec vehementius, nec crebrius pulsant, quam par est. Nemo autem nisi consueta domus ianuæ egrediatur,

diatur, vel ingrediatur.

46 Qui domo egrediuntur, signabunt sua nomina, quæ prope ostiū domus in tabula descripta sunt, & admonebunt ianitorem, quo sint profecturi.

47 Omnes ante noctem, qui foris sunt, se domum recipiant, nec egredientur ante lucem sine facultate Præpositi, vel Rectoris.

48 Cum quis iter faciens transit per locum, ubi Domus aut Collegium Societatis sit, ad aliud hospitium ne diuertat, * eiusque, qui illic præest, obedientiæ subsit in omnibus, sicut & reliqui, qui in eadem Domo, vel Collegio commorantur. Quod si quis etiā ad negotia tractanda venerit, ea non nisi ex eiusdem consilio, ac directione tractabit.

49 Singuli has regulas, & officiorum suorum habeant atque intelligant, sibi que faciant familiares, ac earum memoriam mensibus singulis eis legen-

dis, vel audiendis renouent; * qui tamen

peculiariora ministeria Coadiuto-

rum obeunt, eas, quæ ad ip-

sorum officia perti-

nent, singulis

hebdomadis repetant,



* Can. 13.
Cong. 3.

* Par. 4. c.
10. lit. F.

REGVLAE MODE-

S T I A E.

Par. 3. c. 1.
§. 4.

IN conuersatione nostrorum illud in vniuersum dici potest, vt in omnibus externis actionibus, appareat in nostris modestia, et humilitas coniuncta cum religiosa maturitate. Speciatim autem haec obseruanda erunt.

2 Caput huc illuc leuiter non moueatur, sed cū grauitate, vbi opus erit; et si opus non sit, teneatur rectum cum moderata inflexione in partē anteriorem, ad neutrum latūs deflectendo.

3 Oculos demissos vt plurimum teneant, nec immoderate eos eleuando, nec in hanc, aut illam partem circumflectendo.

4 Inter loquendum cum hominibus, praesertim alicuius auctoritatis, non desigatur aspectus in eorū vultus, sed potius sub oculos.

5 Rugae in fronte, ac multo magis in naso euiscentur; vt serenitas exterius cernatur, quae interioris sit indicium.

6 Labia nec nimis compressa, nec nimium diducta.

7 Tota facies hilaritatem potius praeseferat, quam tristitiam, aut aliū minus moderatū affectum.

8 Vestes sint mundaе, et cum religiosa decentia compositae.

9 Manus, si non in sustinenda veste occupentur,

C decenter

decenter quiete teneantur.

10 Incessus sit moderatus sine notabili festinatione, nisi necessitas urgeret: in qua tamen, quantum poterit, decoris ratio habeatur.

11 Omnes denique gestus, ac motus eiusmodi, sint qui apud omnes edificationem pariant.

12 Si plures simul erunt, ordinem praescriptum a Superiore, bini, vel terni incedendo, seruent.

13 Si loquendum fuerit, meminerint modestiae,

et edificationis tum in verbis, tum in ratione, ac modo loquendi.



INSTRVCTIO AD REDDENDAM

conscientiæ rationem iuxta mo-
rem Societatis.

Intelligent singuli, dum rationem
conscientiæ sunt reddituri, quanti
momenti Pater noster sanctæ me-
moriæ Ignatius id duxerit, ad maio-
rem Diuinæ bonitatis gloriam; vt
subditi magis in spiritu cum gratia
vberiori proficiant, ac tanto maiore cum diligentia,
amore, & sollicitudine iuuari, & a periculis conser-
uari possint, vt quæ in Examine, & Constitutionibus
toties commendantur, & §. 40. summarij Con-
stitutionum præscribuntur, de reddenda ratione con-
scientiæ, exacte seruentur. Proinde vnusquisque
magna cum puritate, sub sigillo confessionis, aut se-
creti, aut quacumque ratione ei placuerit, & ad ma-
iorem ipsius consolationem fuerit, totam animam suā
integre manifestam faciat, nullam rem celando, qua
Dominum vniuersorum offenderit, post vltimam ra-
tionem redditā conscientiæ; vel certe aperiat eos de-
fectus, qui magis ab eo tempore grauant ipsius animā.

Capita vero, quibus conscientiæ ratio reddi de-
bet, hæc fere erūt: ex quibus cum ea retulerint, quæ
ad plenam sui manifestationem dicenda putauerint,
petant a Superiore, vt eos interrogando iuuet, ac sup-
pleat, si quid esse iudicet, quod ad maiorem Dei glo-
riam & suorum notitiam scire uelit.

I An uiuat contentus iuxta suam uocationem.

C 2 2 Quomo-

* In ex. c.
4 §. 34. &
scq. & P.
4. c. 10. §. 5.
& P. 6. c. 16
§. 2.

2. Quomodo se habeat circa obedientiam etiam intellectus, paupertatem, castitatem, & usum aliarum uirtutum, & quarum præcipue studio intentus sit.

3. An sentiat aliquas animi perturbationes, aut tētationes molestas, & de facilitate, seu difficultate, & modo eis resistendi, & ad quos affectus, uel peccata sit magis propensus & incitatus.

4. An contra Constitutiones, uel Regulam aliquam, uel ordinationem Superiorum firmum iudicium habuerit, uel contra eam disputauerit.

5. Quid sētiat de ipso instituto Societatis, & medijs, quibus illa utitur ad suum finem consequendum, & quem experiatur in se zelum animarum.

6. Quomodo spiritualibus rebus sit affectus, quantum temporis orationi tribuat, & num vocali, an potius mentali inuuetur, et utri plus temporis tribuat, & quem modum in orando teneat.

7. Num in usu rerum spiritualium consolationē, & deuotionem habeat, an uero contra desolationem, ariditatem, & vagationem animi patiatur, & quomodo in ijs se gerat.

8. De fructu quem ex communione, confessione, examine, præsertim particulari, & alijs exercitijs spiritualibus percipiat.

9. Num post ultimam rationem conscientia, quæ reddidit, maiorem an minorem fructum fecerit, & quem animum experiatur ad perfectionem consequendam.

10. Quomodo obseruet, quæ ex Constitutionibus,

Et Regulis tum communibus, tum officij sui ad eum pertinent.

11 De mortificationibus, pœnitentijs, & alijs excitationibus, quæ faciunt ad spiritus profectum; & in specie de præparatione ad iniurias, & ad alia, quæ ad Christi crucem pertinent, ferenda, atque de eorû desiderio.

12 De socijs, & quomodo ex eorum conuersatione proficiat in Domino, & an alicui plus sit familiaris, quam alijs.

13 An auersionem animi sentiat ab aliquo, & an offensus sit in aliquo à Superioribus, vel Officialibus, vel quauis alia persona, & quomodo sit affectus erga Superiores.

*14 An tentationes aliquas sit passus, quas alij intellexerint, præsertim circa
vocationem.*



R E G V L A E P E R E

G R I N O R V M .

Persuadeant sibi, peregrinationis finem non tam esse corporis defatigationem, & ut multum iter conficiant, quam ut ex ea fructū aliquem spirituales percipiat; atque ex eo fine, & iter ipsum, & ceteros peregrinationis labores moderentur.

2 Litāias simul omnes quotidie in ipso itineris ingressu, vel Itinerarium dicant; nec orationem, & consueta examina prætermittant, et alias etiam Regulas obseruent, quantum ratio itineris permittet.

3 Studeant frequenti oratione, & meditatione comitem itineris sibi Christum facere: & colloquijs interdum pijs, & religiosis, ac lectione alicuius libri pijs molestias itineris leuare poterunt. quod si cum externis in via, aut in hospitij egerint, meminerint pro ratione sui gradus, habita ratione temporis, & personarum, sermones de rebus spiritualibus inducere, & fructum aliquem, quoad poterunt, efficere.

In ex. c. 4.
§. 12.

4 Eleemosynas simpliciter pro Christi amore petāt; ut omni spe illa abiecta, quam in pecunijs, & rebus creatis habere possunt, integre, vera cū fide, et ardenti amore eam in suo creatore, ac Domino constituent; memores, à Christo Domino Apostolos sine sacculo, & pera missos; ipsum etiam Dominum non habuisse, ubi caput suum reclinaret.

5 Indul-

Indigentia, & penuria rerum corpori necess-
sariarum probari exoptent, ut ad incommoditatem ci-
bi, somnie capiendi libenter assuescant: & iniurias
veros illusiones, & opprobria, quæ illis in itinere in-
ferri contigerit, patienter cum Dei gratia ferant,
gaudeantque, materiam præberi sibi imitandi ali-
quo modo Christum Dominum, eiusque vestibus, at-
que insignibus seipso induendi. *in itinere*
Qui maioribus pollent ad viam peragendum
viribus, eos, qui sunt infirmiores, subsequi & non præ-
cedere debent, & iter cuiusque diei horum debiliū
infirmirate commensuretur: quod si quis viribus
destitueretur, iumento, aut alia ratione iuvare de-
bet: qua in re non qualitatibus personarum, sed neces-
sitas, & caritatis fraternæ ratio est habenda.

7 Si quis in morbum incideret, ita ut ulterius pro-
gredi non posset, nea expediret reliquos ibi moram
trahere, si vicinum esset Collegium, aut Domus So-
cietatis, eo esset ager (si modo morbus patiatur) de-
ducendus: alioqui aliquis ex nostris illi erit socius
relinquendus, ut consolationi ei sit, & auxilio: agro
autem viribus restituto, ceptum iter ambo prose-
quentur.

8 Si in via ab honesto, & pio amico invitarentur,
posset, qui præest, hospitalitatis beneficium admitte-
re: tunc autem curare debent verbis, & religioso ex-
plo hospites ædificatos in Domino relinquere.

9 Eiusdem ædificationis, & exempli in omnibus
hospitijs meminisse debent; sobrietatis etiā in men-
sa, et modestiæ in conuersatione nunquā obliuiscantur.

In ex. c. 46
§ 12. & 26.
Ibidem
§ 44

10. Cum in itinere ad Collegia, vel Domos Societatis diuertent, studeant omnes bonum edificationis odorem exemplo vitæ, ac morum, nostris relinquere. De rebus vero aut personis aliorum Collegiorum, aut Domorum nihil loquantur, aut tractent, nisi ad edificationem.

11. Si transierint per locum, ubi Domus, aut Collegium Societatis sit, nihil ab externis nec pro se, nec pro alijs petant, aut accipiant sine facultate Superioris eiusdem Domus, vel Collegij.

12. Omnes alijs, qui iter faciunt ex nostris equites, aut aut pedites, has regulas peregrinorum suorum modo, quantum fieri potest, etiam seruauerunt: Et tam peregrini, quam religiosi, qui, qui iter faciunt, patentes literas sui Superioris habere curent.



CATALOGVS
MISSARVM ET ORA-
TIONVM, QVAE NOSTRIS
PRAESCRIBVNTVR.

SACRA IUXTA

nostrum institutum à

Sacerdotibus So-

cietatis ordina-

rie facienda.

Singulis annis.

ORATIONES

iuxta nostrum institutū,

ab ijs, qui Sacerdotes

non sunt; ordina-

rie faciendæ.

Singulis annis.

IN principio cu-
iusque anni unus-
quisque Sacerdos Missā
celebret pro nostra So-
cietate.

Par. 10.

§. 1.

ET singuli, qui Sacer-
dotes non sunt, ad
eandem intentionem in-
tegrum Rosarium Do-
minæ nostræ, videlicet cē-
tum quinquaginta Ave-
maria, & quindecim Pa-
ter noster, aut tres coro-
nas recitent.

2. Singulis annis præ-
scripto die, in quo memo-
ria foundationis Collegij,
vel Domus fit, Missa cū
solemnitate pro Funda-
tore propriū Collegij, vel
Domus, & benefactori-
bus vivis, & defunctis ce-

Par. 4. c.

1. §. 2. &

can. 18.

cong. 3.

Et singuli, qui Sacer-
dotes non sunt ad eandē
intentionem vnam coro-
nam, aut tertiam partē
Rosarij recitent.

D

Sin-

lebretur; & reliqui Sacerdotes, qui in Collegio, vel Domo habitauerint, pro eisdem sua Sacrificia offerant.

Singulis mensibus.

3 In principio cuiusque mensis vnusquisque Sacerdos Missam Celebrat pro nostra Societate.

Par. 10.

§. 1.

Singulis mensibus.

Et singuli, qui Sacerdotes non sunt, ad eandem intentionem tertiā Rosarij partem, aut vnā coronam recitent.

4 Initio cuiusque mensis omnes Sacerdotes, qui in Collegio, vel Domo fuerint, pro Fundatore proprij Collegij, vel Domus, & benefactoribus viuis, et defunctis semel Missæ sacrificium offerant.

Par. 4. c.

1. §. 2.

Et singuli, qui Sacerdotes non sunt, ad eandem intentionem vnā coronam, aut tertiā Rosarij partem recitent.

Singulis hebdomadis.

5 Singuli Sacerdotes pro illis de Societate, qui extra Prouinciā moriuntur, semel in quauis hebdomada Missæ sacrificium offerant.

Cā. 11.

Cōg. 3.

Singulis hebdomadis.

Et singuli, qui Sacerdotes non sunt, ad eandem intentionem vnā coronam, aut tertiā Rosarij partem recitent.

6 Singulis hebdomadis, Vbicunque fuerint decem, vel pauciores Sacerdotes, pro nostra Societate vna Missa à designato à Superiore dicitur; duæ vero, si fuerint plures, quā decem; tres autem, si fuerint plures, quam viginti; Et ita deinceps in reliquis decedibus, si numerus Sacerdotum fuerit maior.

Par. 10.
S. 1.

Et singuli, qui Sacerdotes non sunt, in quavis hebdomada ad eandem intentionem septem Pater noster, Et septē Ave Maria recitent.

7 Singulis hebdomadis pro Benefactoribus viuis, Et defunctis propria Domus, vel Collegij præter eas, quæ pro Fundatore dicuntur, vna, aut duæ, aut plures Missæ pro numero Sacerdotum offerantur, seruando ordinē modo prædictum.

Par. 7. c.
4. §. 4.

Et singuli, qui Sacerdotes non sunt, in quavis hebdomada ad eandem intentionem septem Pater noster, Et septē Ave Maria recitent.

8 Singulis hebdomadis Missa semel pro Fundatore proprii Collegij, vel Domus, Et benefactoribus viuis, Et defunctis à designato à Superiore celebretur.

Par. 4. c.
1. §. 1.

Et vnus ex ijs, qui Sacerdotes non sunt à Superiore designatus, ad eandem intentionem, vnā coronā, aut tertiam partem Rosarij recitet.

9 In Domibus et Collegiis, quæ saltem viginti ex nostris alere possunt, etiam si non habeant proprium Fundatorem, fiant pro ijs viuis, & defunctis, qui eorum fundationē notabiliter adiuuerūt, eadem Sacra quæ pro Fundatoribus ordinarie fieri solent.

Sacra ab eisdem extraordinarie faciendæ.

10 Cum primum Societas in Collegij alicuius possessionem venerit, quilibet Sacerdos ter Sacrum faciat pro superstitibus Fundatore ipsius, ac Benefactoribus.

11 Cum ex hac vita idem Fundator excesserit, singuli Sacerdotes ter Sacrum pro animabus illius, et Benefactorū faciant.

12 Idem iudiciū erit de Communitatibus, vel

Par. 4. c.
1. lit. B

Et singuli, qui Sacerdotes non sunt, ad eandem intentionē pro eisdem facere debent easdē orationes, quæ pro Fundatoribus ordinarie fieri solent.

Orationes ab eisdem extraordinarie faciendæ.

Par. 4. c.
1. § 4.

Et singuli, qui Sacerdotes non sunt, ad eandē intentionem Rosariū integrum aut tres coronas recitent.

Par. 4. c.
1. § 4.

Et singuli, qui Sacerdotes non sunt, ad eandē intentionem Rosariū integrum aut tres coronas recitent.

Par. 4. c.
1. lit. D
& B

Et singuli, qui Sacerdotes non sunt, integrū Ro-

Rebusp. quæ non moriuntur: fiet enim tria Sacra pro uiuentibus, & tria pro defunctis earum. Sic etiam faciendum, quando plures simul fundationem constituunt.

13 Cum primum Societas in alicuius Domus professæ possessionem uenerit, quilibet Sacerdos intra illam Prouinciam ter Sacrum faciat pro superstitute Fundatore ipsius, ac benefactoribus, & quando uita finitus fuerit, alia tria Sacra ab eisdem pro animabus illius & benefactorum fiat.

14 Pro Communitatibus uero, & pluribus, qui simul Domus professæ fundationem constituunt, fiant intra eandem Prouinciam, quæ de Collegiis dicta sunt num. 10. 11. 12.

15 In Domo, uel Collegio ubi quis de Societate decesserit, singuli Sa-

Rosarium, aut tres coronas pro uiuentibus Communitatibus, & totidem pro defunctis earum recitabunt. Similiter faciet, quando plures simul fundationem constituunt.

Can. 18. Et singuli eiusdæ Prouinciæ, qui Sacerdotes non sunt, integrum Rosarium, aut tres coronas pro superstitute Fundatore, ac benefactoribus; & quando uita finitus fuerit, alterum Rosarium integrum, aut tres coronas pro animabus illius, ac benefactorum recitent.

Par. 4. c. Et singuli eiusdæ Prouinciæ, qui Sacerdotes non sunt, ad eandem intentionem faciant quæ de Collegiis, eisdem numeris dicta sunt.

Can. 11. Et singuli eiusdæ Domus, aut Collegii, qui Sacerdotes non sunt, pro

cerdotes pro eo tria Sacra, in alijs vero Prouinciæ locis duo Sacra faciant.

16 Cū de obitu cuiusque nostrorum, qui extra Prouinciā obiit, significatur, per vniuersā Societatem omnes Sacerdotes in Missis illius animam Deo commendent, pro cuiusque deuotione.

17 Omnes Sacerdotes curent, iuxta Constitutiones, frequenter orare pro vniuersa Ecclesia, ac pro ijs præsertim, qui maioris sunt momenti ad eius vniuersale bonū, cuiusmodi sunt Principes Ecclesiastici, & seculares, & alij, qui multū prodesse, vel obesse bono animarum possunt; & pro amicis, & benefactoribus viuentibus, & vita functis, & pro alijs,

eo tres coronas, aut tres partes Rosarij, pro alijs vero eiusdem Prouinciæ duas coronas, aut duas partes Rosarij recitent.

Can. 11. Et singuli, qui Sacerdotes non sunt, in suis orationibus illius animam Deo commendent, pro cuiusque deuotione.

Par. 7. c. Et omnes, qui Sacerdotes non sunt, idem iuxta Constitutiones curare debent.

4. §. 3. &
lit. A

*in quorum auxilium peculiariter ipsi, & reliqui de Societate in varijs locis inter fideles, & infideles incumbunt, * & etiã* P. 10.
pro male affectis erga lit. B
nostram Societatem.

Sacra ex præscripto P. N. Generalis ab vnoquoque Sacerdote Societatis ordinarie faciēda.

18 *Vnusquisq; Sacerdos singulis mēsis duobus Sacra faciat, alterũ pro Indijs, & Gentium conuersione: alterũ pro Regionibus Septentrionalibus, et Hæreticorum reductione, & in alijs Sacrificijs, & orationibus eadem Domino commendabit.*

19 *Singulis hebdomadis vnusquisque Sacerdos Sacrum vnum ad intentionē Reuerendi Pa-*

Orationes ex præscripto P. N. Generalis à singulis, qui Sacerdotes non sunt, ordinarie faciendæ.

Et singuli, qui Sacerdotes non sunt, vnā coronam, aut tertiā partē Rosarij pro Indijs, et Gentium conuersione, et alterā coronam, aut tertiā Rosarij partem pro regionibus Septentrionalibus, et Hæreticorũ reductione recitēt, et in alijs orationibus eadē Domino commendabunt.

Et singuli, qui Sacerdotes non sunt, ad eandē intentionem vnā coronam, aut tertiā Rosarij par-

tris nostri Generalis fa-
ciat, et in alijs Sacrificijs,
& orationibus eandem
Domino commendabit,

partem recitent, & in
alijs orationibus eandem
Domino commēdabunt.

Non intendimus per ea, quæ superius recensentur,
excludi reliqua Sacra, & orationes omnes, quæ pro
occurrētibz necessitatibus à Superioribus imponi
ad tempus solent.

REGVLAE SACER-

DOTVM.



VAE de disciplina religiosa in
Regulis, & inſtituto noſtro ſer-
uanda omnibus propoſita ſunt,
ea Sacerdotes, pro ratione ſui
gradus, ſibi præcipue dicta exi-
ſtiment, & obſeruent.

2 Diuinum Officium nitantur attente, deuote, et
opportuno tempore recitare.

3 Ita viuere ſtudeāt, vt quotidie merito celebrare
poſſint; ad idque conducet (quāuis ex* Conſtitutione
oſtauo vt minimum quoque die conſiteri teneantur) * In ex. c.
4. §. 25.
ſæpius in hebdomada conſiteri.

4 Cærimonias Miſſæ ex uſu Romano accurate vnus Par. 4. c. 8.
§. 2.
quiſque obſeruet; in eaq; celebranda pronuntiatio-
nem, & quācunq; aliam exteriorem actionem ita
moderetur vt non minus aliorum ædificationi, quā
propriæ deuotioni ſeruiat; & ideo ſemihoram in fa-
ciendo Sacro nec multum excedat, neq; ita breuis ſit
vt illām non expleat.

5 Qui in ſūmo Altari Sacra facturi ſūt, ſimulat-
que campanæ ſe vocantis pulſū audierint, vel admo-
niti fuerint, ad veſtes ſacerdotales induendas ſe con-
ferāt, vt in tempore exire ex Sacriſtia poſſint.

6 Salutare tradēdæ doctrinæ Chriſtianæ miniſte-
rium pueris, at rudibus, quod à ſui origine noſtra
Societas tāto affectu complexa eſt, pari omnes ſtu-
dio Par. 4. c. 8.
§. 6. & lit.
F, & can.
21. cōg. 1.
& can. o.
cong. 2.

dio promouere curent.

Par. 4. c. 8. 7 Intelligent sibi ratione peculiari incumbere, vt
§ 5. & p. exercitiorū spiritualiū quæ tantopere ad Dei obse-
7. c. 4. § 8. quium conferre cernuntur, vsum valde familiarem
& lit. F habeāt; quò, & alios ad ea suscipienda adducere, &
in eo tam vtili armorum spiritualium genere tra-
ctando dexteritatem habere possint.

Per. 7. c. 4. 8 Omnes ij, quibus ex Obedientia confessiones au-
§ 5. diendi sanctū munus committitur, multū ad id affici
studeant, et tanquam nostri instituti valde proprium
magni faciant.

Par. 7. c. 4. 9 Nemo ad confessiones audiendas atcedat, nisi à
§ 5. Superiore deputatus, & qui simul intelligat, quam
facultatem ad hoc munus ab eo habeat.

Par. 4. c. 8. 10 Modum ea Sacramenta ministrandi, quæ Sa-
§ 4. & lit. cerdotes nostræ Societatis tractare possunt, perspe-
D ctum omnes habeant, * in eoque vniformes sint,
* P. 8. c. 1. quantum regionum varietas patietur: formā tamen
§ 8. & p. et rationem absoluēdi ab excommunicatione, et alijs
10. § 9. censuris, & peccatis, eandem omnes sequantur; at-
tendantque, ne ex modo vtendi facultatibus Socie-
tatis, Ordinarij, & Parochi iurè offendi possint.

Par. 4. c. 8. 11 In casibus conscientie, iisque præsertim, qui
lit. D ad censuras, casus reservatos, & restitutiones per-
tinent, sese diligenter exerceant; earumque rerum
Compendia, & breuem interrogandi methodum, ac
contra singulorum peccatorum species, exempla, &
dicta Sanctorum, atque alia salutaria remedia com-
parare studeant.

* P. 3. c. 1. 12 Confessarij inter se ipsos, & in modo procedē-
§ 18. & p. di cum
8. c. 1. § 8. rit,
& par. 10.
§ 9.

di cum pœnitentibus conformes esse curent; et quantum res tulerit ita aliorum Confessariorum existimationi unusquisque consulat, ut omnes intelligant, mutuo caritatis & vniformis doctrinæ vinculo Societatis Confessarios in Christo esse colligatos.

13 Vocati ad Ecclesiam, ad confessiones audiendas, statim cum animi alacritate eo se conferant; & quo maior pœnitentium multitudo futura est, eo magis tēpestiue ab alijs occupationibus se expediāt.

24 In templo confessiones, dum concio fit, vel sacra lectio, nemo audiat.

15 Confessarii ita audiant pœnitentes, ut mutuū aspectum fugiāt; sic enim attētius, & liberius audiēt. quod si locus non erit eiusmodi, ut tabula Confessariū à confitente diuidat, manus interposita inter faciem propriam, & confitentem, qui ad latus esse debet, id præstabit.

16 In audiendis confessionibus fœminarum præsertim, seueros potius se, quam familiares exhibeant: in vniuersum tamen paterna quædam, & spiritualis grauitas in eis eluceat.

17 Eos, qui crebrius confitentur, maxime fœminas, breuiter expediant, nec de rebus ad confessionem non pertinentibus in confessione loquantur: extra confessionem vero, si oportebit eas alloqui, longum sermonem ne misceant, & oculos modeste demissos habeant.

18 Quādo quis à Superiore mittetur ad confessiones fœminarū audiendas, vel alia de causa eas adierit, * socius, quem Superior ipsi designabit, quamdiu

* P. 3. c. 4.
§ 2.

cū fæminis Sacerdos loquetur, eo in loco crit, vnde videre eos, sed non, quæ secreta esse oportet, audire, possit, quantum loci dispositio patietur; quod si non pateretur, curet omnino Sacerdos, ne ostium sit clau sum, nec locus obscurus.

Par. 6. c. 3.

§. 5.

19 Particularem personarum, præsertim fæmi narum curam nemo suscipiat. & quamuis Confes sarius pro suo munere in vita spiritali pœnitentem instituat, nullius tamen obedientiam admittat.

20 Si quis vni confiteri solitus, ab eodem alium Con fessarium adeundi facultatem petierit, vel ea non petita adierit, id sibi gratū esse Confessarius benigne ostendat.

21 Vt sanitatis etiā ratio ad Dei gloriam habea tur, confessiones mane ad horam vsque prandij tãt um audiant; ita vt cum signum primæ mensæ audie tur, studeāt se ita accommodare, vt ad secundam ac cedant; nisi forte pœnitētium necessitas aliud exigat.

22 Nemini aut petere, aut accipere quidquam liceat, siue ab ijs, quorum confessiones audiuerit, siue ab alijs, quod vel in pauperes distribuatur, vel al teri satisfactionis nomine restituatur; nisi Superior, cū opus esset, secus faciendum iudicaret.

23 Etsi vota ad perfectionis statum pertinētia, vt sancta laudari debēt, et circa ea Confessariū consiliū sed magna cum consideratione, dare possint: quia tamen non humanam, sed diuinam vocationem re quirunt, nemo ad ea emittenda quemquā inducat; verum ad orationē tales hortetur, vt à Deo adiuti, vocationem suam melius intelligant, et exequantur.

24 Si quos viderint ad Religionem propēfos, non facile ad vnā potius quam ad aliam, ad hoc, quam ad illud Monasteriū inuitent; sed liberam illis suam electionem relinquunt: poterunt tamen petentibus consiliū eās Religiones, vel Monasteria proponere, quæ illis magis commoda in domino iudicauerint,

25 Nullus eis, quorum audit confessiones, certum vestimenti genus, hunc aut illum habitum, vel colorē præscribat: tametsi omnes ad honestum, et suo statui conuenientem vestitum hortari possint.

26 Vt pium est ad frequenter communicandū fideles exhortari; ita quos ad id propensos viderint, admonere debent, ne crebrius, quam octauo quoque die accedant, præsertim si matrimonio sint coniuncti.

27 Admoneant eos, qui sibi consistentur, à Dominica Palmarum ad Dominicam in Albis inclusiue, eo tempore (nisi aliud consuetudo loci postulauerit) debere semel in sua Parochia communicare, exceptis Peregrinis, et ijs, qui facultatem haberēt, et reliquis, quos ius excipit.

28 Qui vocantur ad iuuandos eos, qui mortī vicini sunt, ea in promptu habeant, quæ eo tempore, in quo tantum est momenti, vsui esse possint; tam-

diuque illis adsint, quamdiu sola necessi-

tas postulabit: ceterum etsi cum

opus est, ægrotos ad conden-

da testamenta hortari

conueniat, ijs

tamen

conficiendis non assistant.

Par. 7. c. 4.
lit. D

Par. 4. c. 8.
§. 7. & lit.
G

REGVLAE CONCIONATORVM.



Regulae, quae Sacerdotibus propositae sunt, eas sibi Concionatores in primis commendatas existiment, nec minore cura, quam ceteri obseruent.

P. 10. §. 2.

2 Memores sint vocatos se esse ad reducendas animas suo creatori; quod cum sit opus omnium difficillimum, summo studio media illa adhibeant, quae instrumentum cum Deo coniungunt: eiusmodi sunt solidae virtutes, ac praecipue Caritas, pura intentio diuini seruitij, familiaritas cum Deo in spiritualibus deuotionis exercitijs, & Zelus syncerus animarum ad gloriam diuinae maiestatis.

Par. 7. c. 4.
§. 2.

3 Enitantur cum Dei gratia esse ceteris exemplo; ut non minus vita, quam doctrina, ad omnem virtutem proximos alliciant.

Par. 4. c. 8.
lit. B. & F

4 Lectioni Sacrae Scripturae, ac Patrum praecipue incumbant. conferet etiam peculiari studio vidisse Euangelia toto anno currentia, & in eis ea, quae vsui esse possunt, adnotasse; itemque compendium fecisse explicationis rerum ad fidem, & Christianam vitam necessariarum; atque in communes locos rede-gisse omnia, quae ad virtutum commendationem, & peccatorum detestationem pertinent.

Par. 4. c. 3.
lit. G

5 Conferet vidisse praeeptiones, si quas de modo concionandi illi tradunt, qui bene hoc munus obierunt;

runt; bonos audisse Prædicatores, & in concionibus Domi, vel in alijs locis minus frequentibus se exercuisse.

6 Optare debent, ut admoneantur, si quid in concione corrigendum videbitur ijs, qui à Superiore ad id deputati fuerint, & humili, & grato animo id accipere.

Par. 4. c. 8.
lit. C

7 Ita operam suam in celebrioribus concionibus libenter impendant, * ut non minus se ad docendos pueros, & alios rudes instruendos, faciles, & paratos exhibeant.

* In 1. Bul
la nostri
instituti,
& par. 5.
c. 3. lit. B
& p. 7. c.
4. 5. 7.

8 Si quando occasio tulerit, ut alius eodem tempore concionari velit, quantum in ipsis erit, libenter cedant.

Par. 4. c. 8.
§. 3. & lit.
B.

9 Ea populo proponant, quæ ad captum, et utilitatem auditorum erunt accommodata; iisque insistant, quæ ad Christianam institutionem, atque ad extirpanda vitia, & virtutes inferendas valent; & à rerum subtilium curiosa tractatione se abstineant.

In ultimis
regulis li-
bri Exer-
cit. reg. 2.

10 Commendare debent Confessionis, & Eucharistiæ frequentem usum, in bonis operibus profectum, et perseverantiam, Ecclesiasticarum caerimoniarum observationem, & cetera, quæ ad cultum diuinum pertinent, eamque obedientiam, quæ Principibus, & Prælati, qui Dei in terris vices gerunt, exhibenda est.

Ibidem

11 Commendabunt etiam peculiari ratione penitentiae, & misericordiae opera, * sanctarum precum, † & aliarum piarum deuotionum exercitia, vtilium librorum lectionem, & bonam filiorum educationem.

reg. 7.
* Ibidem
reg. 3.
† Ibidem
reg. 6.
Ibidem

12 Cum experientia doceat, & sanctæ memoriæ

Pater Ignatius scriptum reliquerit, nihil utilitatis percipi ex ijs concionibus, in quibus Principes, et Magistratus reipub. Prælati, et alij Ecclesiastici in particulari reprehenduntur, Contionatores nostri ab huiusmodi reprehensionibus absterneant.

13. Caueant, ne Religiosos aliorum ordinum, quos reuereri, & obseruare debent, etiam tacite videantur reprehendere: * & quamuis nostros ad maiores in virtute progressus excitare possint, præsertim in domesticis exhortationibus, reprehensionem tamen alicuius particularis, vel ipsius Societatis ne attingant.

14. Ne rumoribus populi moueantur, vt noua, & parum confirmata in publicum afferant; & multo minus ea populo proponant, quæ alioqui dubia, & incerta sunt.

15. Curæt, vt rationem, & modum, quem obseruare debent in rebus populo denunciandis, et certis pauperibus, alijsque pijs operibus commendandis, à Superiore accipiant.

16. Caueant omnino, ne facetijs, aut inutilium rerum narratione concionem contemptibilem faciant, ijsue auditores ad risum moueant, vel contra, vt ad fletum excitent, spectanda aliqua populo proponant, à communi in Societate concionandi consuetudine aliena, nisi in aliquo particulari casu ad communem ædificationem pertinere Superior, pro ratione loci, iudicaret.

17. Ea, quæ dicturi sunt, diligenti præmeditatione, & peculiari ad Deum recursum (quatenus per tempus

pus licebit) paranda erunt.

18 *Caueant arrogantiam, & ostentationē in concione, humilitatemque, cui ex intimo cordis affectu studere debent, in omni actione præ se ferant. quod si aliquid pro se, aut Societate cogantur respondere, ea modestia satisfaciant, ut causam Christi, non suam agere videantur.*

19 *Modus concionandi, qui à scholastico diuersus esse debet, ita sit ad docendum comparatus, ut ad animorum motum præcipue dirigatur: cumq; quaestio aliqua earum, quæ ad fidem, aut mores pertinet, modo aliquo tractanda erit, non ita exacte proponantur argumenta, quibus contraria pars confirmatur (nisi auditorium id postulet) ut simplices ipso proponendi modo offendi possint; sed eo pacto res exponatur, ut illi ex data explicatione solutionem eorum, quæ sibi in mentem venerint, aut ab alijs audiuerint, facile colligant.* Par. 4. c. 8. §. 3.

20 *Ne sint affectati, aut verborum lenocinia sectentur, nec studio politioris sermonis eos libros habeant familiares, ex quorum lectione detrimentum in spiritu accipiant, & seculare aliquid redoleant.*

21 *In laudibus, & reprehensionibus à nimis exaggerationibus, et ab omni specie adulationis abstineant.*

22 *Gestus corporis sit modestus, et in quo gravitas quædam religiosa præcipue eluceat; vocemq; accommodet ad res, quas tractabit; proinde eã, ubi non est opus, ne præter modum extollant, aut deprimant.*

23 *In concionibus, & lectionibus templi, spatium horæ ne excedant.*

10
REGVLAE EORVM,
QVI IN MISSIONIBVS
versantur.

In Decla-
rat. proœ.
4. par. lit.
A & par.
6. c. 3. §. 5.



VM scopus, ad quem tendit So-
cietas sit, varias mundi partes,
ex Obedientia Summi Pontifi-
cis, vel Superioris Societatis pe-
ragrando, verbum Dei prædica-
re, confessiones audire, & reli-

quis quibuscunque poterit medijs vti ad animas, di-
uina aspirante gratia, iuuandas; quicunque in huius-
modi missionibus versantur, sibi persuadeant, rem
māximi ponderis in Societate sibi commissam esse,
atque ita se comparare studeant, vt apta Dei instru-
menta ad rem tantam esse possint.

Par. 3. c. 2.
lit. G & p.
7. c. 1. §. 1.
& c. 4. §. 1.

2 Quia vocationis nostræ est, vitā agere in qua-
uis mundi plaga, vbi maius Dei obsequium, & ani-
marum auxilium speratur; vnusquisq; paratus esse
debet, vt in ea vineæ Christi parte, atque opere se
exerceat, quod ipsi commissum fuerit, siue per varia
loca discurrendo, siue in quibusdam continenter
residendo.

Par. 7. c. 2.
§. 1.
* Ibidem
lit. K.

3 Vnusquisque plenam in his, ac liberam sui di-
spositionem Superiori, qui eum Christi loco dirigit,
relinquat: * poterit tamen motus animi, aut cogita-
tiones quæ in contrarium occurrunt, illi proponere,
subijciendo suum sentire, & velle ei, quod ipse in Do-
mino iudicauerit.

4 Ei, qui mittendus erit plurimum conueniet, vt intelligat à Superioribus scopum suæ miſſionis, & effectum, cuius gratia mittitur; id quod in scriptis, si fieri potest, habere curabit.

Par. 7. c. 1.
& 5.

5 Cum oppidatim missi fuerint ad fructificandū in agro Domini, dabunt operam, quoad fieri poterit, vt more pauperum Euangelium prædicent: * proinde & pedites, vel in toto, vel in parte iter facient, si eos Superior id præstare posse iudicauerit, et ex elemosynis, vel oblatiis, vel cum ædificatione emendicatis uiuent; nisi alia ipsi à Superiore sustentationis ratio sit constituta.

Par. 7. c. 2.
lit. G

* Can. 12.
Congr. 3.

6 Si nullum eis à Superiore designatum fuerit hospitium, intelligant sibi ad aliquod hospitale, tanquam ad hospitium pauperum esse diuertendum; si tamen honestum id sit, atque ad exercenda ex eo ministeria Societatis accommodatum: alioqui conuenientius erit, vt in domum pī alicuius, & exemplaris Ecclesiastici, aliumue eiusmodi locū se recipiāt, in quo cum ædificatione manere possint.

7 Cum ingressi fuerint loca ea, in quibus Ordinarij resident, eos quamprimum adeant, suamque operam illis summisſe offerant, & facultatē ad exercenda Societatis ministeria modeste, ac religiose petant, * eosque omnes tam Ecclesiasticos, præcipue Parochos, quam seculares, quorum auctoritate, aut fauore opus habent, beneuolos sibi facere studeant.

* P. 10. §. ii.
& lit. B.

8 Cum eo peruenerint, ubi diutius immorari debent, prudenter, ac mature operam dabunt, vt notitiam habeant probatorum virorum, & pietate, ac rebus

rebus agendis insigniorū, quorum informatione, vel auxilio iuuari possint ad ministeria Societatis maiore cum fructu animarum exercenda.

Par. 7. c. 2.

lit. M. & c.

4. 5. 3.

9 Qui in missione Superior erit, initio suscipiendorum operum, vel quando maior subsidij necessitas cernitur, (quod res magni momenti sint, vel difficultates graues incidant) applicabit, curabitque applicari Missas, & orationes, vt omnia cedant ad maiorem Dei gloriam, & proximorum vtilitatem.

Par. 7. c. 3.

§. 2.

10 Si ijs, qui mittuntur, non fuerit iniunctum, vt medio aliquo vtantur limitato, quale esset vel legere, vel prædicare & cet. in ijs tantum se exercebunt, quibus Societas vti solet, iuxta Constitutiones: conferre tamen illa cum eo Superiore, qui eis propior fuerit, semper erit securius.

* Ibidem

lit. A.

Par. 4. c. 8.

& p. 7. c. 4

11 Media spiritualia, quibus iuxta institutum Societatis, & beneplacitum Superioris vti poterunt, fere sunt ministerium verbi Dei in prædicationibus, sacris lectionibus, priuatisque exhortationibus, & colloquijs, Sacramentorum Confessionis & Eucharistiae administratio, Exercitiorum spiritualium traditio, dissidentium reconciliatio, casuum conscientiae ad Ecclesiasticos, eorūq; officij magis priuata explicatio, & Christianae doctrinae ad pueros, ac alios rudēs publica declaratio.

Par. 7. c. 4.

§. 9.

12 Corporalibus etiam pietatis operibus, quantum spiritualia permittent, et vires patientur, incumbere poterunt, vt infirmos, præcipue in Xenodochijs, per se, vel per alios iuuando, & pauperes, ac in custodijs detentos, quatenus licebit, eodem modo subleuando.

13 Etsi

13 Etsi certus ordo in nostris ministerijs exercendi præscribi non potest; plerumque tamen vtilius erit, & securius ab humilioribus inchoare, vt à doctrina Christiana pueris explicanda, ab ægrotis hospitalium inuisendis, eorumque, & aliorum magis indigentium confessionibus audiendis.

14 Quamquam humana media non solum spernenda non sunt, sed etiam cum opus est, prudenter, & religiose adhibenda; diuinis tamen, & nostri instituti magis proprijs præcipue vtendū est, in eisque magis fidendū, orandusq; Deus, vt ijs omnibus det cā efficaciam, quæ sit proposito fini consequendo necessaria.

15 Iuxta eam Caritatis regulam, qua se Apostolus omnia omnibus faciebat, vt omnes lucrificeret, expediet nonnumquam, vt ingenio eorum, cum quibus agent, initio se attemperent (quatenus ratio, & virtus ferent) ita tamen, vt meminerint ad id tandē eos cum Dei gratia perducere, quod illis in Domino magis conferre iudicabunt.

16 Eam animi magnitudinem, & æquabilitatem retinere studeant, vt & prosperis successibus, & aduersis superiores sint; quò nullo euentu fracti, nec religiose modestiæ, nec sanctæ libertatis, nec bonæ de se conceptæ existimationis, quæ ad fructum colligendum necessaria est, quicquam amittant.

27 Si quos erga se, aut Societatem male affectos esse intellexerint (præsertim non vulgaris auctoritatis homines) aut qui nostra ministeria impediant, non solum pro eis orabunt, sed etiam conuenientem aliquam rationem inibunt, vt eos amicos, aut saltem
non

non aduersarios faciant : ad quam rem non parum conferet , si data occasione , instituti nostri rationem illis exponant , nullumq; officij genus pratermittat , quo illos , cum opportunum fuerit , sincere , ac religiose demereri , & conciliare possint.

Par. 4. c. 11.

§ 3.

18 Si quando prælatus aliquem in visitanda diocesi comitabuntur , nihil se in negotijs ad visitationem spectantibus , alijsue id genus ad iurisdictionem pertinentibus immisceant , sed ijs tantum ministerijs attendant , quæ sunt nostri instituti propria.

• P. 6. c. 3.

§ 5.

19 Quamuis optare debeant , ut in sua quisque vocatione proficiat , æquumque est , ut pro suo munere ad eam rem omnes hortentur ; nullam tamen reformationi Cleri , * aut Monialium , aliorumue Religiosorum curæ partem admittant : sic enim fiet , ut & munus suum sine impedimento exequi , & populum ad vberiore fructum ex visitatione percipiendum sine offensione disponere possint.

Par. 7. c. i.

§ 7.

20 Cum præter id , quod eis fuerit peculiari ratione iniunctum , res aliqua diuini seruitij se obtulerit , in qua possint sine detrimento suæ missionis suam operam ponere , opportunitatem , quâ Deus ad eam dederit , quantum in eodem conuenire indicabunt , et manibus elabi non sinent.

Par. 7. c. i.

§ 7.

21 Si in locis designatis diutius residendum erit , locumque dederint præcipua negotia (quæ numquā propter alias occasiones , licet bonas , diuini obsequij posthabebunt) excursions aliquas facere , si eas cum fructu fore indicabunt , non erit inconueniens.

22 Sine facultate Superioris nulli Confraternitati , Con-

ti, Congregationisue statuta condent, seu vetus illa sit, seu noua instituenda videatur. De noua autem instituenda, & quæ nullibi sit in vsu, non prius agent, quàm Superiorem consulant.

23 Quæ Deo auctore perficient, ea quantum licebit, ita constituent, vt stabilia sint, et diu durare possint. quod facilius obtinebunt, si res conuenienti ordine disponant, earumque bonum progressum ijs commendent, quorum exemplo, auctoritate, studio, & diligentia, facile conseruari, & promoueri possint.

24 Scribent ad eum, quem designauerit ille, à quo missi sunt, singulis hebdomadis, vel quoties ipsis fuerit constitutum, * & quantum fieri potest, totius successus eum certiores reddant, quemadmodum persone, & negotia exegerint, vt consilio, & alijs auxilijs iuari possint.

Can. 28.
Congr. 2.
* P. 7. c. 2.
§. 2.

25 Cum propter nullas occupationes intermittendum sit propriæ perfectionis studium, diligenter animaduertant, ne prætextu procurandæ aliorum salutis, propriæ perfectionis obliuiscantur, ipsamque propriam salutem ea ratione in discrimen adducant: sed sepe illud Domini mente. reuoluant, Quid prodest homini, si vniuersum mundum lucretur, animæ vero suæ detrimentum patiatur? sibiq; illud D. Pauli vnusquisque dictum existimet, Attende tibi, & doctri. in illis, hoc enim faciens, & teipsum saluum facies, & eos, qui te audiunt.

Par. 3. c. 1.
§. 20.

26 Hanc ob rem caueant, ne consuetæ in Collegijs, ac Domibus orandi, et examinandæ conscientie exercitia imminuant, nisi si quando necessitas, aut in euen-


tu ali-

tu aliquo caritas aliud faciendum postulet. Con-
 uersionem cum secularibus nimiam non habeant,
 aut incautam, aut quæ secularem sapiat; * sed in om-
 nibus se integritatis, & grauitatis exemplum præ-
 beant. atque in summa Regularum Societatis, siue
 earum, quæ omnibus communes sunt, siue quæ ipso-
 rum officij propriæ, quantum locus patitur, observa-
 tionem non prætermittant.

* p. 7. c. 4.
 § 2.

Par. 7. c. 2.
 § 2.

27 Præter hæc, si pro ratione diuersarum regionū,
 & missionum qualitate, alia quædam à Supe-
 rioribus constituenda videbuntur; ea in
 peculiaribus instructionibus ad-
 dita, pari diligentia ob-
 seruanda erunt.



DE OBEDIENTIAE

VIRTUTE, EPISTOLA

N. P. IGNATII.

Ignatius Loiola Fratribus Societatis IESV,
qui sunt in Lusitania gratiam, & amo-
rem Christi Domini sempi-
ternum.



*M*agnam animi voluptatē capio, fra-
tres in Christo carissimi, cum affer-
tur ad me, quā acri studio cona-
tuque ad summam virtutis, ac di-
uini obsequij perfectionē enitami-
ni; beneficio illius, qui vos, ut ad
hoc vitæ institutum vocauit, sic in eodem pro sua cle-
mentia retinet, dirigitque ad beatum finem, ad quē,
qui sunt ab ipso electi, perueniunt.

Atque ego sane, cum vos omnibus donis ornamen-
tisque spiritalibus perfectos, tum vero (quod alias
ex me cognouistis) in primis Obediētiæ virtute præ-
stantissimos esse cupio: idque non solum ob eximia
quædam, ac singularia eius bona, quæ tot, tamque
illustribus sacrarum literarum testimonijs, atque
exemplis, in testamento æque nouo, ac veteri com-
probantur; sed etiam quod (ut est apud sanctū Gre-
gorium) Obedientia sola virtus est, quæ virtutes ce-
teras menti inserit, insertasque custodit. Hæc dum

I.

II.

Libr. 35.
Moral. c.
10.

floruerit, florebunt proculdubio reliquæ, edentque fructus, quales & ego in animis vestris exopto, & suo iure postulat is, qui humanum genus neglectæ Obedientiæ scelere afflictum, ac perditum, saluari ipsemet Obedientia reparauit, Factus obediens vsq; ad mortem, mortem autem Crucis.

Ad Philipp. 2.

III.

Ab alijs religiosis ordinibus facilius patiamur superari nos ieiunijs, vigilijs, & cetera victus, cultusque asperitate, quam suo quique ritu, ac disciplina sancte suscipiunt: vera quidem, ac perfecta Obedientia, abdicationeque voluntatis, atque iudicij maxime velim, fratres carissimi, esse conspicuos, quicumque in hac Societate Deo Domino nostro deseruiunt; eiusdemque Societatis veram, germanamque sobolem hac quasi nota distingui, qui numquam intueantur personam ipsam, cui obediunt, sed in ea Christum Dominum, cuius causa obediunt. Siquidem Superiori, nec si prudentia, bonitate, cæterisque quibuslibet diuinis donis ornatus, instructusque sit, propterea obtemperandum est; sed ob id solum, quod vices gerat Dei, eiusdemque auctoritate fungatur, qui dicit, Qui vos audit, me audit, & qui vos spernit, me spernit: nec contra siue consilio, aut prudentia minus valeat, quidquam ideo de Obedientia remittendū, quatenus ille Superior est; quando illius personam refert, cuius sapientia falli non potest; supplebitque ipse; quidquid ministro defuerit, siue probitate, alijsque ornamentis careat; siquidem disertis verbis Christus Dominus cum dixisset, super Cathedram Moysi sederunt Scribæ, & Pharisei; protinus addidit,

Luc. 10.

Matthæ.

23.

addidit, Omnia ergo, quaecumq; dixerint vobis, servate, & facite; secundū vero opera eorū nolite facere.

IV.

Quocirca sedulo vos in eam curam, atq; exercitationem incumbere cupio, vt Christum Dominū in Superiore quolibet agnoscere studeatis, in eoque diuinæ Maiestati reuerētiam, atque Obedientiā summam cum religione præstare. Quod vobis minus mirum videbitur, si animaduverteritis præceptum esse, ab Apostolo, vt Superioribus etiam secularibus, ethnicisq; pareamus, vt Christo, ex quo omnis potestas bene instituta descendit: sic enim scribit ille ad Ephesios, Obedite Dominis carnalibus cum timore, & tremore in simplicitate cordis vestri, sicut Christo, non ad oculum seruientes, quasi hominibus placentes, sed vt serui Christi facientes voluntatē Dei ex animo, cum bona voluntate seruientes, sicut Domino, & non hominibus. Atque hinc existimare poteritis ipsi, cum se religiosus quispiam regendum, ac moderandum alteri tradidit, non solum vt Superiori, sed etiam nominatim vt Christi partes agentis, quo illū loco apud animum suum habere, vtrum vt hominem, an vt Christi vicarium debeat intueri.

IV

Cap. 6.

V.

Iam vero illud etiam vobis clare compertū esse, ac in animis vestris penitus insidere vehementer cupio; infimam, & valde imperfectam esse primam illam Obedientiæ formā, quæ mandata dumtaxat opere exequitur; nec virtutis nomine dignam, nisi ad alterum gradum ascendat, qui voluntatem Superioris suam efficit, & cum ea ita concordet, vt non solū in effectu executio appareat, verum etiam in affectu

1. Regum
15.
Lib. 35.
Moral. c.
10.

consensio; sicque idem velit uterque, idē nolit. Atque propterea in sacris literis legimus, Melior est Obedientia, quā victima; siquidem (ut S. Gregorius docet) Per victimas aliena caro, per Obedientiam vero voluntas propria mactatur: quæ quidem pars animi, quoniam est adeo præstans, sic fit, ut eius oblatio Domino, ac Creatori nostro per Obedientiā facta, magni sit æstimanda.

VI.

Coll. 4.
cap. 20.

Quanto in errore, quāque periculoso versantur, non dico solum ij, qui in ijs, quæ ad carnem, & sanguinem pertinent, sed illi etiam, qui in rebus aliis, quin admodum sanctis, ac spiritualibus, ut ieiunijs, precationibus, alijsve quibusvis pietatis operibus, fas putant à præscripto Superioris, ac voluntate discedere, Audiāt quod sapienter adnotat Cassianus in Collatione Danielis Abbatis: Vnum sane, inquit, atque idem inobedientiæ genus est, vel propter operationis instantiam, vel propter otij desiderium, senioris violare mandatum; tamque dispendiosum est pro somno, quā pro vigilantia Monasterij statuta conuellere: tantū denique est Abbatis transire præceptum, ut legas; quantū si contempnas, ut dormias. Sancta fuit actio Marthæ, sancta contemplatio Magdalenæ, sancta pœnitentia & lacrymæ, quibus pedes Christi Domini rigabantur: sed hæc omnia nimirum oportuit fieri in Bethania, quam vocem domum Obedientiæ interpretantur; ut ea re, quemadmodū ait S. Bernardus, nobis significare voluisse Dominus videatur, Nec studium bonæ actionis, nec otium sanctæ contemplationis, nec lacrymam pœnitentis, ex-

In Serm.
ad milit.
templ. c.
13.

tra Bethaniam illi accepta esse potuisse.

Quocirca voluntates vestras, fratres carissimi, quoad eius fieri potest, omnino deponite: libertatem Conditori vestro, quam vobis ipsemet elargitus est, in eius ministris libere tradite, ac dicite. nolite exiguum vestri liberi arbitrij fructum putare, quod liceat vobis illud à quo id accepistis, eidem per Obedientiam plene reddere. Quod cum facitis, non modo non perditis ipsum, verumetiam augetis, atque perficitis; quippe qui vestras omnes voluntates certissima rectitudinis regula moderamini voluntate diuina, quam videlicet interpretatur is, qui vobis Dei nomine præsidet.

VII.

Itaque diligenter illud etiam cauendū est, ne Superioris vlllo vnquam tempore voluntatem (quam ducere pro diuina debetis) ad vestram detorquere nitamini: id enim esset non vestram diuinam conformare, sed diuinam vestræ voluntatis norma regere velle, eiusdem diuinæ sapientiæ ordinem inuertentes. Sane quam magnus est error, & quidem eorū, quos amor sui obcæcavit, obedientes existimare sese, cum Superiorem ad id, quod ipsimet volunt, aliqua ratione pertraxerint. Sanctum Bernardū in hac re præclare exercitatū audite: Quisquis, inquit, vel aperte, vel occulte satagit, ut quod habet in voluntate, hoc ei spiritalis pater iniungat; ipse se seducit, si forte sibi quasi de Obedientia blandiatur: neque enim in ea re ipse Prælato, sed magis ei Prælatus obedit. Quæ cū ita sint, quisquis ad Obedientiæ virtutem velit peruenire, oportet ad hunc secundum Obedientiæ gradum

VIII.

In Serm.
de trib. or-
din eccle.
ad Patres
in capitulo.

ascendat, ut Superioris non solum iussa exequatur, sed etiā eius voluntatem suam faciat, seu potius suā exuat, ut diuinam à Superiore expositam induat.

IX.

Qui vero se totum penitus immolare vult Deo, præter voluntatem, intelligentiā quoque, qui tertius, & summus est gradus Obedientiæ, offerat necesse est, ut non solum idem velit, sed etiā ut idē sentiat, quod Superior, eiusque iudicio subijciat suum, quoad potest deuota voluntas intelligentiam inflectere. quæ vis animi, tametsi non ea, qua voluntas pollet, libertate prædita est, atque ipsa natura fertur eius assensus in id, quod sibi veri speciem præbet; tamen multis in rebus, in quibus videlicet cognitæ veritatis euidentia vim illi non infert, potest voluntatis pondere in hanc potius, quàm in illam partem inclinari. quæ res cū incidunt, debet quisquis Obedientiā profiteri, inclinare sese in sententiam Superioris. Etenim cum Obedientia sit quoddā holocaustum, quo totus homo sine ulla prorsus imminutione Conditori suo, ac Domino per manus ministrorum in caritatis igne immolatur; cumque sit eadem renunciatio quadam integra, per quam omni suo iure sponte decedit religiosus, ut diuinæ providentiæ, Superioris ductu gubernandum, ac possidendū ultro sese addicat, ac mancipet; negari non potest, quin Obedientia comprehendat non solum executionem, ut imperata quis faciat, & voluntatem, ut libenter faciat; sed etiā iudiciū, ut quæcunq; Superior mandat, ac sentit, eadē inferiori, & recta, & vera esse videantur, quatenus, ut dixi, vi sua potest voluntas intelligentiā flectere.

Vtinam

Vtinam hanc mentis, et iudicij Obedientiã, ita & intelligerent homines, & exercerent, vt grata Deo est, ac omnibus, qui in religione viuunt, necessaria. Nam vt in corporibus, globisque caelestibus, vt aliud aliud afficiat, moueatque, requiritur, vt certa quadam conuenientia & ordine inferior orbis superiori subiiciatur: sic in hominibus, cum alter alterius auctoritate mouetur, quod per Obedientiam fit, oportet, vt is, qui ab alterius nutu pendet, subseruiat, & obsecundet, vt virtus ab imperante ad eũ deriuetur, & influat. Hæc autem obtemperandi, obsecundandique ratio constare non potest, nisi voluntas, ac iudicium inferioris cum Superioris voluntate, ac iudicio congruat.

X.

Iam vero si finis, & causa Obedientiæ spectatur, quemadmodum voluntas, ita & iudiciũ in eo, quod nobis conuenit, decipi potest. ergo sicuti, ne voluntas erret, cum Superioris voluntate coniungitur; sic intelligentia, ne fallatur, ad Superioris intelligentiã conformanda est. Ne imitaris prudentiæ tuæ, sacræ literæ monent: atque in rebus etiam humanis censerent sapientes, vere prudentis esse, sua ipsius prudentia minime fidere; præsertim in rebus suis, quarum homines animo perturbato fere boni iudices esse non possunt. Quod si in rebus nostris, alterius etiam non Superioris iudicium, atque consilium nostro anteponendum est, quanto magis ipsius Superioris, cui nos, vt Dei vicẽ gerenti, ac diuinæ voluntatis interpreti moderandos tradidimus? In causis vero, personisque spiritualibus eo maior etiam cautio preculdubio

XI.

Prouer-
bior. c. 3.

Coll. 2.
cap. 11.

est necessaria, quo gravius est spiritualis viæ periculū, cum sine frenis consilij discretionisue in ea decurritur. Qua de re commodè Cassianus in Collatione Abbatis Mosi ait, Nullo alio vitio tam præcipitem Diabolus monachum pertrahit, ac perducit ad mortem; quam cum eū neglectis consilijs seniorum, suo iudicio persuasferit, definitionique confidere.

XII.

Præterea, nisi hæc Obedientia iudicij existat, fieri non potest, ut vel consensus voluntatis, vel executio talis sit, qualem esse oportet: natura enim ita comparatum est, ut animi nostri vires, quæ appetitiuæ dicuntur, sequantur apprehensiuas; & nisi adhibita vi, voluntas, iudicio repugnante, diu obtemperare non poterit. Quod si forte quis aliquo temporis spatio obediat per communem illam apprehensionem, qua censetur, perperam etiam præcipienti parendū esse; certe id stabile, ac fixum esse non potest: atque ita perseverantia deficit, vel saltem Obedientiæ perfectio, quæ in prompte, & alacriter obediendo consistit: non enim ibi potest esse alacritas, ac diligentia, ubi est animorum, sententiarumque dissensio: perit etiam exequendi studium, & celeritas, cum ambigitur, expediat, nec ne, facere quod iubemur: perit celebris illa Obedientiæ cœcæ simplicitas, cum apud nos ipsos in quæstionem vocamus rectene præcipiatur, an secus; atque etiam fortasse damnamus Superiorem, quod ea mandet, quæ nobis non ita iucunda sunt: perit humilitas, quoniam & si ex altera parte paremus, ex altera tamen nosmetipsos Superiori præferimus: perit in rebus arduis fortitudo: perit de-

rit denique (vt summam complectar) virtutis huius vis omnis ac dignitas: succedunt autem in eorū locum dolor, molestia, tarditas, lassitudo, obmurmurationes, excusationes, aliaque vitia non sane leuia, quibus Obedientiæ pretium, ac meritum prorsus extinguitur. Itaque sanctus Bernardus, de ijs, qui grauius ferunt imperata minus sibi suauia, sic ait; Hæc si moleste cæperis sustinere, si diiudicare Prælatū, si murmurare in corde; etiam si exterius impleas, quod iubetur, non est hæc virtus patientiæ, sed velamentum malitiæ. Quod si pax, & tranquillitas animi quæritur: certe hac non fruetur is, qui habet intra sese causam perturbationis, atque tumultus, dissensionē videlicet iudiciij propriij ab Obedientiæ lege.

Atque iccirco, tuendæ concordie causa, quæ Societatis omnis est vinculū, tantopere hortatur Apostolus, vt id ipsum omnes sapiant, & dicant; nimirū vt consentientibus & iudicijs, & voluntatibus, mutuo foveantur, & conseruentur. Iam si vnum eundemque oportet esse membrorū sensum, & capitis; facile cernitur, vtrum sit æquius, caput membris, an membra capiti consentire. Atque ex his quidem, quæ dicta sunt hætenus, satis apparet, Obedientia iudiciij quam sit necessaria.

Quā vero sit eadem ipsa perfecta, grataq; Domino, inde primum ostenditur, quod per eam præstantissima pars hominis, ac pretiosissima Domino consecratur: deinde quod Obediens ita fit holocaustum viuum, gratumque Maiestati diuinæ cum nihil sui met omnino retineat: postremo quod magna est hu-

Serm. 3.
de Circū-
cisione.

XIII.

Ad Rom.
15. & 1.
Cor. 1. &
2. Cor. 13.
& ad Phi
lip. 2.

XIV.

ius certaminis difficultas; frangit enim sese Dei causa Obediens ipsemet, resistitque naturali propensione, quæ omnibus hominibus insita est ad suam complectendam, sequendamque sententiam. Ex his igitur rebus efficitur, ut Obedientia tametsi propriæ voluntatem perficere videatur, quippe quam reddit ad nutum Superioris promptam, ac paratam; nihilominus ad intelligentiam quoque ipsam, ut diximus, pertinere debeat, eamque inducere ad sentiendum id ipsum, quod sentit Superior: sic enim fiet, ut omnibus connixi viribus, & voluntatis, et intelligentiæ ad executionem celerem, atque integram veniamus.

XV.

Videor mihi vos, fratres carissimi, audire dicentes, de virtutis quidem huiusce necessitate iam non ambigere, illud vero, ut cognoscatis revehementer optare, quo pacto ad eius perfectionem peruenire possitis. Huic ego questioni cum sancto Leone, ita respondeo. Nihil arduum est humilibus, & nihil asperum mitibus. modo non desit vobis humilitas, non desit mansuetudo; non utique decrit Deo benignitas ad nos adiuuandos, ut quæ sibi promisistis, ea præstare possitis, animo non solum æquo, sed etiam libenti.

Serm. 5.
de Epipha
nia

XVI.

Præterea vobis tria nominatim propono, quæ ad Obedientiam iudicii comparandam multum iuvant. Primum illud est, ut quemadmodum initio dixi, non intueamini in persona Superioris hominem obnoxium erroribus, atque miserijs; sed Christum ipsum, qui est sapientia summa, bonitas immensa, caritas infinita, qui nec decipi potest, nec vos nult ipse decipere. Et quoniam conscijs vobismet estis, vos Dei amo-

re iu-

re ingum Obedientiæ subijſſe, vt in Superioris voluntate ſequenda, voluntatem diuinam certius ſequeremini; nolite dubitare, quin pergat fideliffima Domini caritas, eorum ministerio, quos vobis præfecit, vos deinceps gubernare, & rectis itineribus ducere. Itaque Superioris vocem, ac iuſſa, non ſecus ac Chriſti vocem excipite: ſiquidem Apoſtolus etiam in hac ſententiam ſcribens ad Coloffenſes, cum ad obtemperandum Præpoſitis ſubditos adhortatur, ait, Quodcumque facitis ex animo operamini ſicut Domino, & non hominibus; ſcientes, quod à Domino accipietis retributionem hæreditatis, Domino Chriſto ſeruïte. Sanctus vero Bernardus, Siue Deus (inquit) ſiue homo vicarius Dei mādatur quodcumque tradiderit, pari proſectō obſequendū eſt cura, pari reuerentia deferendū; vbi tamen Deo contraria non præcipit homo. Atque ita, ſi non hominem externis oculis, ſed Deum inſpexeritis internis; haud ſane graue fuerit vobis voluntates veſtras, atq; iudicia conformare ad eā regulam actionū veſtrarū, quā ipſimet elegiſtis.

Altera eſt ratio, vt quod Superior mandat, vel ſentit, defendere ſemper apud animos veſtros ſtudioſe nitamini; improbare autem nequaquam. atque ad eam ipſam rem proderit bene animatos, affectoſque eſſe ad id omne, quod ipſe iuſſerit: ſic enim fiet, non ſolum vt ſine moleſtia, ſed etiam vt cum voluntate, lætitiæque pareatis. nam (vt eſt apud Sanctum Leonem) non dura ibi neceſſitate ſeruitur, vbi diligitur quod iubetur.

Poſtrema ſubijciendi iudiciū ratio eſt cum faciliſ

Cap. 3.

In tract.
de præce-
pto. & di-
ſpenſat. ſe
re initio.

XVII.

Serm. 4.
de ieiunio
ſeptimi
menſis.

XVIII.

lior, tutiorque, tum etiam apud sanctos Patres in more posita, ut statuatis vobiscum ipsi, quidquid Superior præcipit, ipsius Dei præceptum esse, & voluntatem: atque ut ad credenda, quæ catholica fides proponit, toto animo assensuque vestro statim incumbitis, sic ad ea facienda, quæcumque Superior dixerit, cæco quodam impetu voluntatis parendi cupidæ sine vlla prorsus disquisitione feramini.

Gen. 21. Sic egisse credendus est Abraham, filium Isaac immolare iussus: sic noui Testamenti tempore aliqui de sanctis Patribus ijs, quos commemorat Cassianus, ut Ioannes Abbas, qui, quod erat ei imperatum, non reputabat vtile ne esset, an inutile, ut cum aridum lignum tanto, ac tam diuturno labore per annum irrigauit: nec vtrum fieri posset, nec ne; ut cum conatus est tam ex animo ingens saxum solus dimouere loco, quod ne multi quidem simul homines impellere potuissent: quod Obedientiæ genus ipsis interdum miraculis diuinitus comprobatum videmus. Nam (ut alios taceam, quos ipsi non ignoratis) Maurus sancti Benedicti discipulus, mandato Superioris lacum ingressus, nec mersus est: alius quidam de Superiore iussus, leonem ad se ducere, illam cepit, atque perduxit. Est igitur hæc ratio subiiciendi proprii iudicii, ac sine vlla quæstione sancienti, et collaudandi apud se quodcumque Superior iusserit, non solum sanctis viris vñitata, sed etiam perfectæ Obedientiæ studiosis imitanda omnibus in rebus, quæ cum peccato manifesto coniunctæ non sunt.

Grego. 2.
dialo. c. 7.
In viris
Patrum 2.
par. lib. de
obed.

XIX.

Nec tamen iccirco vetamini, si quid forte vobis
occurrat

occurrat à Superioris sententia diuersum, idque vobis (consulto suppliciter Domino) exponendū videatur, quominus id ad Superiorem referre possitis: verum in hac re, ne vos amor vestri, iudiciumque decipiat, illa cautio est adhibenda, vt animo sitis, & ante, & post relationem æquissimo, non solū quod pertinet ad eam rem, de qua agitur, vel suscipiendam, vel deponendam; sed etiam ad approbandum, rectiusque putandū quidquid Superiori placuerit.

Atque hæc quæ de Obedientia diximus, æque priuatis erga proximos Superiores; atque Rectoribus, Præpositisque localibus erga Prouinciales; Prouincialibus erga Generalem; Generali denique erga illum, quem Deus ipsi præfecit, nempe suum in terris Vicarium, obseruanda sunt; sic, vt & ordinū perfecta distinctio, ac proinde pax retineatur, & caritas, sine qua nec Societatis nostræ, nec alterius cuiuslibet Sodalitij posset recta gubernatio conseruari. Nimirum hoc modo prouidentia illa diuina disponit omnia suauiter, infima per media, media per summa, suos ad fines cuncta perducens. Hinc illa videlicet in Angelis vnius Hierarchiæ ad aliam subordinata series; hinc & cœlestium, & aliorum omnium, quæ ciuntur, corporum certis locis, ac sedibus inter sese apta connexio, quorum conuersiones, ac motus ab vno mouente supremo gradatim omnes vsque ad infimos rite proueniunt. Idem in terris, cum in omni ciuitate bonis instituta legibus, tum vero in Hierarchia Ecclesiastica cernitur, cuius omnia mēbra, & functiones ab vno generali CHRISTI Do-

XX.

Sap. 8.

mini nostri Vicario deriuantur; & quo accuratius hæc dispositio, & collocatio custoditur, eo rectior est gubernatio, & melior. contra vero huius ordinis negligentia, quam grauius incommoda multis hominum Societatibus importentur, nemo non videt. atque iccirco in hac, cuius mihi nonnullam procuracionem, ac curam Dominus tradidit, tam diligenter hanc virtutem exerceri, vigereque percipio, quasi in ea Societatis nostræ bonum, ac salus vniuersa consistat.

XXI.


Quæ cum ita sint, ut vnde exorsa est, ibidem terminetur epistola; uos ego per Christum Dominum Nostrium obtestor, qui sese nobis non modo præceptor, sed etiam exemplar præbuit Obedientiæ, ut ad eam virtutem toto pectore incumbatis, & gloriosæ victoriæ appetentes, atque auidi, uosmetipsos superare, id est excelsiorem, & difficiliorem animi partem, uoluntatem dico, atque iudicium expugnare, & subire studeatis; quod Dei Domini Nostri solida ueraque cognitio, atque amor uestros ad se animos penitus trahat, totoque uite huius, et quasi peregrinationis curriculo usque eò gubernet, ac regat, dum uos demum aliosque complures, uestra opera exemploque adiutos, ad ultimum & felicissimum finem, nimirum ad beatitudinem sempiternam perducatur. Vestræ ad Deum precibus me ualde commendo.

Roma vii. kal. Aprilis. M D LIII.

F I N I S.

FORMVLA VOTORVM

SIMPLICIVM.



Mnipotens sempitérne Deus,
 Ego licet vndecunque
 diuino tuo conspectu indignis-
 simus, fretus tamen pietate, ac
 misericordia tua infinita, & im-
 pulsus tibi seruiendi desiderio,
 Voueo coram sacratissima Virgine MARIA,
 & curia tua cælesti vniuersa, Diuinæ Maiestati
 tuæ, PAVPERTATEM, CASTITA-
 TEM, & OBEDIENTIAM perpetuam
 in Societate IESV, & promitto eandem So-
 cietatem me ingressurum, vt vitam in ea perpe-
 tuo degam; omnia intelligendo iuxta ipsius So-
 cietatis Constitutiones. A tua ergo immensa bo-
 nitate, & clementia, per IESV Christi san-
 guinem peto suppliciter, vt hoc holocau-
 stum in odorem suauitatis admittere
 digneris; &, vt largitus es ad
 hoc desiderandum, & of-
 ferendum, sic etiam,
 ad explendum
 gratiam
 vberem largiaris.

INDEX EORVM QVAE HOC LIBELLO continentur.



S ummarium Constitutionum.	
pagina.	3
Regulae communes.	18
Regulae modestiae.	25
Instructio ad reddendam con-	
scientiae rationem.	27
Regulae peregrinorum.	30
Catalogus Missarum & orationum quae nostris	
praescribuntur.	33
Regulae Sacerdotum.	41
Regulae concionatorum.	46
Regulae eorum qui in missionibus versantur.	50
Epistola P. Ignatii.	57
Formula votorum simplicium.	71

